



La Géorgie
 Indépendante
 Revue mensuelle
 NOBEMBRE
 1931—№ 71

ნაგებნები
 1931 წ.
 № 71

დასავლეთი საქართველო

ს ა ქ ა რ თ ვ ე ლ დ ხ ა დ ე ლ ი ტ ი კ უ რ ი პ ა რ ტ ი ე მ ი ს ო რ გ ა ნ დ .

მ ი ნ ა ა რ ს ი :

მეთაური—ეროვნული ღირსება.
 მკვლავი—წერილი საქართველოდან.
 ნოე რამიშვილის მკვლელი სენის სამსჯ. წინაშე.
 საბჭოთა დემპინგი და ფინანსური კრიზისი.
 საქართველოს ისტორიის მოკლე მიმოხილვა.

რას სწერენ ბოლშევიკებზე.
 ელ.—წერილი პრაღიდან.
 საქართველოს საკითხი.
 საქართველოს ამბები.
 წერილი რედაქციის მიმართ.

მ რ ო ვ ნ უ ლ ი ღ ი რ ს ე ბ ა

მთელი სამი დღე, 12-14 ნოემბერი, საფრანგეთის ყურადღება მიქცეული იყო სამოსამართლო სასახლისკენ პარიზში. სადაც სენის 12 ნაფიც მსაჯულთა წინაშე ირჩეოდა დიდი პოლიტიკური საქმე ჩვენი დაუფიწყარ ნოე რამიშვილის ვერაგ მკვლელობისა. ფრანგული გახეთქები, ბევრი არა ფრანგულიც, დღიდან დღე აცნობდენ უამრავ მკითხველთ პროცესის მსვლელობას, განვითარებას, ზოგ დამახასიათებელ წერილმანსაც კი.

და ამ პროცესის დროს ლოლიკურის თანდათანობით იშლებოდა დამსწრეთა წინაშე წამების შარავანდელით გაბრწყინებულ ქართველი ერის თავგადასავალი. მისი გმირული წარსული, საშინელი აწმყო და საიმედო მომავალი. ნოე რამიშვილში, ასე ვსთქვათ, განსახიერდა ქართველი ერი, პირველის ცხოვრება ეპიურათ მოგვითხრობდა მეორის ცხოვრებას, პირველის წლები მეორის საუკუნოებს... ნოე რამიშვილი ფიანდახად დაეგო თავის ერს, ასწია მისი პრესტიჟი განცვიფრებულ უცხოელის თვალში.

გლესის შვილი. ღარიბი, სწავლის მოწყურნე, მებრძოლი, დევნილი, ღმობიერი მამა, გაუტყნელი, დაუღალავი, მოუსვენარი, წამებულო—აი, ვინ წარმოგვიდგა წინ! მთელი პროცესის გასწვრივ ვერაგინ გაბედა მისი ხსოვნის შელანვა, თვით იუდა-მკვლელიც იძულებული გახდა აღეარებინა ნოეს უანგარობა, მოპირდაპირენი ქედს იხრიდენ მისი ქვრივის წინაშე.

იუდა-მკვლელი, ვინ იყო ეს? ქართველი! რად, რა მიზეზით—ამათ ეკითხებოდა მას პარიზის ცნობილი ვეჟილი მორო-ჯიფაფერი, პასუხი ვერ მიიღო, თუმცა იგი ისედაც ცხადი იყო მისთვის. მხოლოდ

საქართველოს მოსისხლე მტერს შეეძლო მის თავდადებულ შვილის მოკვლა—ასეცნოდა ის.

და განა დანაშაულის ჩადენის უმაღლ არ წამოიძახა მკვლელმა ტორესის სახელი? ვინაა ტორესი! მოსკოვის ვეჟილი, მის შავ საქმეთა გამთეთრებელი, საქართველოს და ქართველ ერის პროფესიული გამჭექი, არა ერთხელ დამარცხებული ამ «სასახელო» ხელობაში.

ასევე იყო ეხლაც, ტორესი დამარცხდა, დამარცხდა მოსკოვი და გამარჯვება საქართველოს და მისთვის დაღუპულ ნოე რამიშვილს ხვდა.

მტერმა ვერ იმოწმა ქართველები... რას ვამბობთ? —გაჩნდა ორი «ქართველი»—სათაკილო გამონაკლისი საერთო წესიდან. საიდან გაჩნდენ? «ახალი ივერიიდან»—გვამცნევს სტენოგრაფმა. მერე რაა საერთო წმინდა ივერიასა და გათხუბნულ მოსკოვს შორის?

მეტია კითხვები, პასუხიც: რა შეება უნდა ეგრძნო «ახალი ივერიის» ბელადს, როცა ის მორო-ჯიფაფერმა გაანთავისუფლა მოწმობიდან! ჩვენ ვაფასებთ ამ ფრანგის ღმობიერებას, ტაქტს. ეროვნულ პარტიის ყოფილი თავმჯდომარე, დამფუძნებელ კრების ყოფილი წევრი... ენლა წარმოიდგინეთ ის ტორესის გვერდით სამსაჯულოს წინაშე! გადარჩა, მიეულოცავთ!

ტორესი ხომ მაინც მეტყველობდა, ვისი შთაგონებით, ვისი სიტყვებით, ნუანსებით? იქნება ეს მაინც გვითხროს ტორესის მთავარმა მოწმემ? საქართველოს დამოუკიდებლობა გარუსებულ ქორდანია-ჩხვიძე-წერეთელ-რამიშვილის მოქორილი ზღაპარია—ვისი შთაგონებით ამბობდა ამას ტორესი, მოსკოვის თუ «ახალი ივერიის»?

სადა ერვნული ღირსება, პატივმოყვარეობა, სახელი? რად მოუნდა ასეთი პოლიტიკური სიკვდილი? ეპ. მკითხველო, ჩვენ არ გვახარებს ეს, პირიქით. ვინა ხარ შენ?—ეკითხება სამსაჯულო მეორეს. სტუდენტი—უპასუხებს. რა ამოწმა მან? მოსკოვი, მისი ავენტები არაფერ შუაშია რამიშვილის მკვლელობაში; ხოლო საქართველოს საელჩო, ეს ერთადერთი დიპლომატიური წარმომადგენლობა, ქართული მიწის ხელუხლებელი ნაკვეთი, მის სახელმწიფო დროშის და ღერბის მატარებელი, საელჩო, აი ვინაა პასუხისმგებელი!

გესმის, ყმაწვილო, რა ჩაიდინე? ვინ დააბეზღე, ვინ დაასმინე, ვინ ისარგებლებს შენს ჩვენებას? გინდოდა ეს? დაუშვათ, არ გინდოდა, სიბრძნით მოგივიდა, ჩავაგონეს! სად?—ტორესის კაბინეტში თუ «ახალი ივერიის» რედაქციაში? შენ სხვებიც გაეცი, შენი ტოლნი, ნუ თუ ისინიც განიმეორებდენ შენს ნათქვამს? მაშ ვინ ყოფილხართ, რა ყოფილხართ? სტუდენტი—ამაყთ გაიძახით, მაშ ასეთი შვილი ეზრდება მამულს?

კიდევ კითხვები... ესლა შენ უპასუხე, ჩვენ ვარჩევდით ვცდებოდეთ, არ გვინდა დავაფასოთ შენი საქციელი, არც საქართველომ გვინდა იგი დააფასოს, დეე გაპატიოს, დეე მოინანიო, დაიმსახურო.

ნუ ვეცებთ მოტივებსაც. სიძულვილი, მტრობა? ესთქვით გქონდათ ორივეს, მერე სადაა ქართველური რაინდობა, ვაჟაკობა, ვინ იძიებს შურს საფლავის წინ?

ტყუილა არ უთქვამთ მეგრელებს, კაცი რა კაცია, თუ მტერი არ ჰყავსო. ნოე რამიშვილსაც ჰყავდა მტრები, კიდევ მეტი მეგობრები, ის იყო მომქმედი, იღვა ბრძოლის წინა რიგებში, ჰქონდა საქმე ხალხთან, ცალკე პირებთან, ყველას ვერ მოიმალოიერებდა, ცხადია.

მაგრამ რას ნიშნავს ყველა ეს გარეშე მტერთან შედარებით? მან იმსხვერპლა ნოე რამიშვილი, ათასები სხვა. ქართველ ერის ძალა მის მორალშია, მის ზნეობრივ სიფაქიზეში, უმწიკვლო მიზნებსა და საშუალებებში.

მათ დაივიწყეს ეს. მით უფრო ვალდებული ვართ გვახსოვდეს ჩვენ, ქართველ პოლიტიკურ ემიგრაციას, ხელმძღვანელთ და მათ მიმყოლთ.

ორი ათეული წელიც არ გასულა, რაც პირველათ გაისმა ქართველის სახელი საერთაშორისო ასპარეზზე—მას წინეთაც იცნობდენ, დავიწყდათ—და ამ მოკლე ხანში მან მოიხვეჭა სახელმწიფოებრივი ერის სახელი. მოსკოვმა ვერ შესძლო პოლიტიკურ რუკიდან მისი ამოშლა, ვერ შესძლეს თითო-ორიოლა გამდგარიც. ხშირათ გაისმოდა პროცესზედ ფრანგების ხმა, ადარებდენ სხვა პროცესებს და ამბობდენ: რა ყოფილან ქართველები, სად პატარა ერი და სად ასეთი დიდულოვნება, სიმტკიცე, ერვნული ღირსება!

ჩვენ დაგვრჩენია თქმულიდან მხოლოდ ერთი დასკვნა გავაკეთოთ. პარიზის პროცესმა და ჩვენმა გამარჯვებამ ერთხელ კიდევ დაგვანახა, რამდენათ საჭირო და აუცილებელი ყოფილა ერის მთლიანობა შინ და გარეთ, ერთი ფრონტი, ერთი სიტყვა, ერთი საქმე.

ასეთ სიმაგრეს მტერი უმალ ტვინს შეაქცევს. ვინემ გაიმარჯღს. ის ვერ გამოანახავს ჩვენს რიგებში მოლაღატეს, ვერ გაბედავს დაქირავებული ხელით მკვლელობის მოხდენას.

ჩვენ უნდა ვერიდოთ ვერ. წოდ. მაკედონურ მეთოდებს პოლიტიკურ ბრძოლაში, დაგვლის, ამოგვაღლებს, გავვანიავეს. ავილოთ მაგალითი ჩვენი ერისგან. აბა შეხეთ, რა ერთსულოვნება უმაგრდება ის მტერს, როგორ გმირულათ იტანს მის ლახვარს, რამდენი სიმამაცე, შნო და სილაშაზეა მის განმათავისუფლებელ ბრძოლაში.

რა ვართ ჩვენ, პოლიტიკური ემიგრანტები, თუ მოვწყდით მშობელ ერს, დავივიწყეთ ჩვენი მოვალეობა მის მიმართ, გავხდით უფესვონი, უპასუხისმგებლონი?

უცხოეთი ვერ ხედავს ქართველ ერს, ის ჩვენს მაგალითზედ აშენებს ხშირათ თავის აზრს მასზე. ამიტომ ჩვენს სიგლახეს, დაბეჩავებას ის უნებლიეთ ქართველ ერს აწერს, ჰკარავს მის მიმართ თანაგრძობას. ამით აგებს ერი, მისი წმინდა საქმე და ჩვენც, ემიგრანტები, ხომ მთლათ წყალწაღებულნი ვხდებით.

ვერიდოთ ასეთ არასახარბიელო ბოლოს, ერვნული ღირსება ამას გვიკარნახებს.

წერილი საქართველოდან

1. გლეხთა აჯანჯკებანი.

ნაძალადევი კოლექტივიზაცია საქართველოში ტარდება ტერორის ქვეშ, ამ რიგათ ბოლშევიკების ცნობებით ჩატარებულია კოლექტივიზაცია 70 პროცენტითო.

სინამდვილეში კი მოხდა მთლიანი განადგურება იმ ნაწილებზე 70 პროც. საქართველოს მოსახლეობისა და დარჩენილ 30 პროც. კი განადგურებულია წინა წლებში. როგორ მოხდა ეს? ის 30 პროც. საქართველოს მოსახლეობისა ორი წლის წინ ჩაიგდეს ხელში

მეურნეობის და კაცობრიობის პარახიტებმა. წინათ სოფლის მოხეტიალე, დუქნებში მგზავრიდან ჰიკაღინის მოლოდინში მყოფ ნაძირალეებმა, დღეს მათ დაუდგათ დრო ხელსაყრელი—მოვლინებით მათებრ მოხეტიალე, უსაქმურ ხალხისა—ბოლშევიკების სახით, გამოგლიჯეს ხელიდან გლეხს ინიციატივა, დაიწყეს მათ მამულზე თარეში, შექნეს კოლექტივები და არტელები. დიდი თანხების, დახმარების მიღებით, ეს ყოველივე გაკეთდა, სტალინის, მოსკოვის დამქაშების წინასწარ დამუშავებულ გეგმით, ვინაიდან სტალინმა, მოსკოვმა კარგათ იცოდენ,



რომ ძარცვა ქალაქის, რაც რამდენიმე წელიწადი დაწყებულია, გათავდებოდა, ნაძარცვი კი მათ გამოელეოდათ და თავიანთ არსებობის კიდევ რამდენიმე ხნით საუზრუნველყოფოდ წინასწარ ნიდაგი მოამზადეს. უკვე ამ წელიწადში გადაწყვიტეს, დაკრითი წესით მოასწორონ სოფლის ძარცვა, ამისათვის ბოლშევიკების მიერ იქნა შექმნილი ბრიგადები (მოსკოვის ჩინოვნიკებიდან შემდგარი) და სხვადასხვა დაპირებებით დაგზავნეს სოფლად, რათა სოფლის ალალი მეურნე მოეტყუებინათ და მეურნეს დაენებებია მათთვის მთელი მისი ნამაგარი და საშვილის-შვილოთ გაწმენილი ბაღები, რასაც უწოდეს «კოლექტივიზაცია» და ამ რიგათ ზოგს ნებით და ზოგს ძალით აკრევიეს თავი კოლექტივებში. მაგრამ, როდესაც კოლექტივებმა ვერასფერი მისცეს გლეხებს და პირიქით მიისაკუთრეს გლეხის ნაწარმოებთან ერთად ინვენტარი და სამუშაო საქონელი (ზოგი მოსკოვის ჩინოვნიკებისათვის გამოსაკვებათ და უმთავრესად კი ვეროპისათვის საპროპაგანდოთ). ამავე დროს მოუხდათ ბეგარის სახით უმეტეს წილად სხვა სახ. მამულებში მუშაობა. ვეროპისათვის საექსპორტო საქონლის დამზადება (ეს იმ დროს, როდესაც ვეროპიდან არასფერს მანუაქემბელს არ სედაეს) და თანაც უსასყიდლოთ—ამ გარემოებამ აგრძობინა, როგორც საქართველოს აგრეთვე მთელ კავკასიის გლეხობის საბოლოოთ. რომ ისინი ბოლშევიკებმა გაიხადეს მონებათ და მათ აქვთ შექმნილი ბატონყმობის დროსაც კი გაუგონარი რეჟიმი, რამაც იძულებული გახადა ღირსება და უფლება ახილი გლეხობა გაჭრილიყო ტყეში იარაღით, შებრძოლებოდა თავისუფლების მოსაპოვებლად, ბოლშევიკების აგენტებს. ამ გარემოებამ გამოიწვია სამკვეთროსასიცოცხლო ომი არსებულ «მუშათა და გლეხთა» დიქტატურასთან—მუშა და გლეხების მხრივ და დაიწყო მაის-ივნისის თვეებში პარტიზანული მოქმედება—იმერეთ სამეგრელოში: ჭიათურა, შორაპანი, ზესთაფონი, ლეჩხუმი, ზუგდიდის მაზრა, ბორჩალო და დუშეთი. ჭიათურაში აჯანყებულთა რაზმი თავს დაესხა პოლიტიურს და ადგილობრივ შეიარაღებულ ძალებს და რამოდენიმე ჯგუფი განაიარაღეს, ხოლო ოპერაციის დროს ადგილი ქონდა შეტაკებებს, რამაც გამოიწვია მსხვერპლი ორივეს მხრივ, აჯანყებულებს დარჩათ დაჭრილი, რომელიც ტყვედ ჩაიგდეს ჩეკის აგენტებმა და როგორც დაჭრილი მოათავსეს ადგილობრივ საავადმყოფოში დარაჯების ქვეშ, მაგრამ, როდესაც გამოჯანსაღდა და მოაწია დაკითხვის დრომ, კვლავ დაესხა თავს აჯანყებულთა მცირე ჯგუფი ჩეკის მიერ დაყენებულ დარაჯებს და გაიტაცეს ამხანაგი. ასეთივე მდგომარეობა იყო სამეგრელოში, ლეჩხუმში, ზუგდიდის მაზრაში და გელში. აჯანყებულებმა დაიკავეს ანაკლია და იქ გამაგრდნ—ტფილისიდან გამოგზავნილ ზაკეპეუს რაზმები იქნა დამარცხებული, მათი ხელმძღვანელი ჩეკისტი რუსი სროლის დროს მოკლული იქნა, რომლის წაღება პანიკით მოცულმა ჩეკისტებმა ვერ მო-

ასწრეს და ეს მკვდარი ჩადვეს კვერცხების ყუთში და გადაუგზავნეს (ამანათის სახით) ტფილისში ბერიას.

ლეჩხუმში ცაგერის რაიონში დაიწყო ივლისის თვეში, მას მიემატა ქვემო სვანეთი და აჯანყებულთა რიცხვი უდრიდა 700 კაცს. ცაგერში 200 კაცისაგან შემდგარი რაზმი გაუქმლავდა ზაკეპეუს რაზმს და რუსის ცხენოსან ესკადრონს, რომლებიც ნაწილი აჯანყებულების მიერ იქნა განაიარაღებული. სოფელ ორბელში გარდა გლეხებისა ტყეში გაიქცა 80 კომუნისტი—მეჭენის თემის აღმასკომის თავმჯდომარე თეფილიე სვანიძის ხელმძღვანელობით.

აჯანყებულებმა განადგურეს კოლექტივები და მათ ხელმძღვანელებს აყარეს იარაღი, ნაწილი ხელმძღვანელებისა (კომუნისტები) შეუერთდა აჯანყებულებს. ორი თვის განმავლობაში ადგილი ქონდა რეგულიარულ ომს, რაც დამთავრდა აჯანყებულთა ფიზიკური მარცხით. ადგილებზე იქნა გავზავნილი რუსის პოლკების კადრები (ქართულ პოლკებს ნდობა არ აქვთ) და აწარმოებდნ ბრძოლას აჯანყებულთა წინააღმდეგ. რუსის ნაწილები გ. პ. უ-ს აგენტების ხელმძღვანელობით—ბოლშევიკები ებრძოდნ აჯანყებულებს მთელ მათ განკარგულებაში არსებულ საშუალებებით, გარდა განვებისა. ამ რიგათ აჯანყებულთა რაზმები—ნაწილი შეიპყრეს—ნაწილი დახტეს და ნაწილი კი დღესაც გაჭრილია მთებში და აწარმოებს თავდაცვას.

ასეთივე მდგომარეობაა დუშეთში. იქ დაიწყო მოქმედება ზამთრიდან და ამ ზაფხულში, როგორც იქნა, რუსის პოლკებმა ისინი განდევნეს მთებში და თვითონ მოიკავეს ვაკე ადგილები, ამ რიგათ იქ აჯანყებულთა და ბოლშევიკების რაზმებს შორის მოქმედებას აქვს პოზიციური ხასიათი—ჯარი არ მიდის მთებში დიდი მსხვერპლის ვალების გამო და იცავენ დასახლებულ ადგილებს აჯანყებულთა რაზმების შემოსვლისაგან. ამის გამო გაუგონარ რეპრესიებს აქვს ადგილი—ყლეთას და დაპატიმრებებს; დახტოილთა რიცხვის გამოკვევა შეუძლებელია, ხოლო დაპატიმრებულთა რიცხვი საქართველოში ამ ორი თვის განმავლობაში აღემატება 6.000 კაცს, რომლებსაც, როგორც ხმება, მოსკოვი უნდა ეძებდეს განსაკუთრებულ ლაგერს.

აჯანყებულთა ლოზუნგია «გლეხს თავისუფლება და საკუთრება». აღსანიშნავია შემდეგი: როდესაც აჯანყებულთა რომელიმე წევრი უფარდება მტერს, ის არ მიმართავს—თავის სახსენლად კომბინაციებს და ბოდიშს, პირ-იქით ლაპარაკობს: «მე ვებრძვი მძარცველებს, რომლებმაც წამართვეს ყველაფერი და ვერც თვითონ გამოიყენეს; მე არ მესმის პოლიტიკა და სოციალიზმი—ეს თქვენ აშენეთ, ხოლო მე წამართვით ჩემი გულთანი, საბო, ნაჭერი მიწის მოსავლთან ერთად და დამორჩა მხოლოდ სული, ამას კი არ დაგანებებთ უმსხვერპლოთო».

ნოე რამიშვილის მოკვლევი სენის სამსჯავროს წინაშე

ნოე რამიშვილის მოკვლის საქმე ირჩეოდა სენის ნაფიც მსაჯულთა წინაშე პარიზში 12, 13 და 14 ნოემბერს.

სასამართლოს თავმჯდომარეობდა ბ. ბარნო, პროკურორის ადგილი ეჭირა ბ.ნ სიამის. მკვლელ ქანუყვადის დამცველათ გამოდიოდნ ცნობილი ადვოკატი ანრი ტორესი და დელატრი. ხოლო კიდევ უფრო სახელგანთქმული მორო ჯიაფერი წარმოადგენდა სამოქალაქო მხარის, ქ.ნ მარო რამიშვილის ინტერესებს.

გკითხველს ახსოვს საქმის ვითარება, მოკლედ აღნიშნული საბრალდებო აქტში: 1930 წლის 7 დეკემბერს, ნოე რამიშვილი ს. მენალარიშვილთან ერთად მიეშურებოდა პარტიულ კრებაზე, რომელსაც გობლენების ქუჩაზე ჰქონდა ადგილი. როცა მათ იტალიის მოედნიდან გობლენის ქუჩაში მიუხვიეს, ვიღაცამ ნ. რამიშვილს გვერდიდან რამდენიმე ტყვია დაახალა. ნ. რამიშვილი წაიქცა, ხოლო ს. მენალარიშვილი ეცა თავდამსხმელს, რომელიც აღმოჩნდა ქართველი ემიგრანტი პარმენ ქანუყვადე, და დაიწყო ბრძოლა მათ შორის: მენალარიშვილი სცილილობდა ქანუყვადის განიარაღებას, ხოლო უკანასკნელი პირველზე რევოლვერის მიმართვას და სროლას. მან გაისროლა კიდევ ორი ტყვია, რომელთ მიმართულება მოწმობს, რომ ორივე სწორედ მენალარიშვილისათვის იყო დანიშნული. მაგრამ უკანასკნელმა შესძლო ბოლოს ქანუყვადის დამორჩილება. ამ დროს პოლიციის აგენტებიც მივარდნენ და ქანუყვადე დაატუსაღეს. ნ. რამიშვილი საავადმყოფოში წაიყვანეს ავტომობილით, მაგრამ გზაში გარდაიცვალა. მკვლელმა განაცხადა, რომ მოჰკლა ნ. რამიშვილი წინასწარი განზრახვით, ხოლო ამ ბოროტმოქმედების მოტივებით მოიყვანა: 1) პირადი შურისძიება, გამოწვეული ვითომც რამიშვილის მიერ გადადგმულ ნაბიჯით პეჩოს ქარხნის ადმინისტრაციის წინაშე ქალაქ ოდენკურში 1929 წელში, რის შედეგი იყო, მკვლელის განცხადებით, მისი ქარხნიდან დათხოვა და უღუქმაპურად დარჩენა; 2) ნ. რამიშვილს შეეძლო ჩემი საქართველოში დაბრუნების მოწყობა, დამპირდა კიდევ და დაპირება არ ამისრულა; 3) ნ. რამიშვილმა დაღუპა საქართველო, ის იყო სამშობლოსთვის მავნე პირი და «მუცელს იტენიდა» საქართველოდან გამოტანის სახელმწიფო ქონებით.

ამგვარად, ქანუყვადეს ბრალდებოდა ნ. რამიშვილის მოკვლა წინასწარი განზრახვით და ს. მენალარიშვილის მოკვლის ცდა.

საქმე დაიწყო დამნაშავეის დაკითხვით. რომ ნაფიც მსაჯულებს უკეთ შესძლებოდათ პროცესის მსვლელობის გაგება, თავმჯდომარე მოკლე, მაგრამ ნათელ წინასიტყვაობაში ვააცნო მათ საქართველოს გაეფარაფა, მისი წარსული, გამუდმებული ბრძოლა თავისუფლებისათვის, მისი რუსეთის მიერ დაპყრობა გასული საუკუნის დამდეგს, განთავისუფლება და დამოუკიდებელ სახელმწიფოს აღდგენა 1917-18 წლ.

და ბოლოს რუსეთის მიერ კვლავ დაპყრობა 1921 წლის თებერვალში და ქართველი ერის ბრძოლა ბოლშევიკური იმპერიალიზმის წინააღმდეგ.

უკვე ბრალდებულის დაკითხვამ გამოაჩინა მის მიერ მოყვანილ მოტივების უსაფუძვლობა და სიყალბე. თავმჯდომარე უცხადებს მას, რომ წინასწარ გამოძიებამ არ გაამართლა მისი რწმუნება თითქოს ის რამიშვილის მეოხებით ყოფილიყოს ადგილიდან დათხოვნილი 1923 წელში, რომ ამ საქმეში რამიშვილს არავითარი როლი არ უთამაშოია; ხოლო როცა ქანუყვადის წასვლა ოდენკურიდან აუცილებელი შეიქნა მისი ამხანაგების დაქინებითი მოთხოვის გამო, სწორედ რამიშვილის თხოვნით მიეცა მას ხარჯების დასაფარავათ 500 ფრანკი იმ 250 ფრ. მაგიერად, რომელის მიცემა გადაწყვეტილი ჰქონდათ ოდენკურელ ქართველებს. ქანუყვადემ ვერ შესძლო ამ ფაქტების დარღვევა.

თავის მხრით, სამოქალაქო მხარის წარმომადგენელი მორო-ჯიაფერი არკვევს ბრალდებულის დაკითხვით, რომ რამიშვილს, ქანუყვადის ოდენკურიდან გამობრუნების შემდეგ, მიუმართავს ქართულ ლეგაციისათვის პარიზში და ამ უკანასკნელს სწორედ რამიშვილის თხოვნით მიუტოვა ქანუყვადისათვის სარეკომენდაციო წერილი ერთ-ერთ პარიზელ ქარხანაში სამუშაოს მისაღებათ.

ს. მენალარიშვილის დაკითხვაც ამხელს ქანუყვადის სიყალბეს. ის ჯერ უარობდა მენალარიშვილის მოკვლის განზრახვას—არც ვაპირებდი მის მოკვლას და არც მისვრია მისთვისო. ხოლო როცა მენალარიშვილი მას პირში წაუღმა, შესცვალა ჩვენება—თავიდან არ მინდოდა მისი მოკვლა, ხოლო როცა ბრძოლა დაიწყო ვესროლე, მარა მხოლოდ თავის დასაცავათო.

ს. მენალარიშვილის დაკითხვის დროს ჰქონდა ადგილი პირველ ინციდენტს მოწმე ქერქაძის ჩვენების შესახებ.

ამ ქერქაძემ ნ. რამიშვილის მოკვლის შემდეგ რამდენიმე დღეში წერილობით აცნობა ქ.ნ. რამიშვილს—ქანუყვადეს კარგად ვიცნობ, რამდენიმე თვე მასთან ვცხოვრობდი, ორჯერ წამიყვანა რუსეთის საელჩოში (პირველად არ ვიცოდი სად მიყვავდიო), მე გარეთ გუცდილი; საელჩოდან გამობრუნებულმა ქანუყვადემ მითხრა—ეწყობა ჩემი საქართველოში დაბრუნება და შენც წაიყვანო. ქ.ნ.ნ. რამიშვილმა ეს წერილი სასამართლოს გადასცა თავისი ადვოკატის საშუალებით.

ხოლო რამდენიმე დღეში იგივე ქერქაძე, სტუდენტ გეგელიას თანხლებით, მისულა პოლიციაში და შეუტანია განცხადება—ჩემ მიერ რამიშვილის ქვრივისთვის ვაგზავნილი ჩვენება იძულებითი იყო, ს. მენალარიშვილმა და შ. ბერიშვილმა დამაწერიეს ლეგაციაში და გამაგზავნიეს სიკვდილით დამუქრების ქვეშო. სწორედ იმ დღეებში, როცა ეს განცხადება გადაეცა პოლიციას, ქერქაძემ აცნობა რამდენ-



ნიმე თავის ქართველ ამხანაგს—სპ. კელიას ტენდენციის ხალხი. გველია და მისი მეგობრები. დამემუქრენ. დამაშინეს. მოტყუილებით მიმიყვანეს ჟანუყვადის დამცველ ადვოკატ ტორესის კაბინეტში, საცა უკანასკნელის თანაშემწემ მიმიღო, და როცა მის წინაშე, აღნიშნული პირების ჩავიხივებო, უარი ვთქვი პირველ ჩვენებაზე და ის მენაღარიშვილის და ბერიშვილის მიერ მუქარით გამოტყუებულათ გამოვაცხადე. ტორესის თანაშემწემ მირჩია ჩემი ნაამბობი პოლიციაში გავმეცხადებო. პოლიციაშიც მუქარით წამიყვანა გვეგლიამ, თვით გამყვა და მიმაცემია განცხადება.

აი ამ ქერქადის ჩვენების გამო დაესხა თავს სასამართლოს სხდომაზე ჟანუყვადის დამცველი ტორესი მოწმე მენაღარიშვილს: ეს ის პირია, რომელმაც ქერქაძე მუქარით აიძულა შეთხზული ჩვენება მიეცა. მოწმე მენაღარიშვილი კატეგორიულათ აცხადებს რომ არაფერს ამის მსგავს ადგილი არ ჰქონია. ტორესის ეს ფანდი იწვევს მორო-ჯიაფერის სასტიკ რეპლიკას: თქვენ ვინდათ ამოდენა საქმე წვრილმანებზე დაახურდავოთ...

მოწმე შარაბიძე ამცნობს სასამართლოს, რომ ჟანუყვადე არის მეტად უხეში, ბოროტი და აუტანელი ხასიათის კაცი, რომელიც ხან ერთ ამხანაგს ესხმოდა თავს, ხან მეორეს; პირადათ მას, შარაბიძეს, მრავალჯერ დასხმია თავს და რევოლვერითაც დამუქრებია.

განსაკუთრებულ შთაბეჭდილებას ახდენს და ნათელს ეყენს საქმეს მოწმე ვლ. ბაქრაძის ჩვენება. ბაქრაძე იყო მოწვეული ოდენკურში იქ მომუშავე ქართველების მიერ 1925 წელში როგორც თარჯიმანი და დამხმარე მათი ქარხნის ადმინისტრაციის და სხვა დაწესებულებების წინაშე, ვინაიდან ქართველ მუშებში იმ დროს თითქმის არავინ იცოდა ფრანგული. ის ამ დროიდან იცნობს ჟანუყვადეს, როგორც ბოროტს, გაუტანელს, გულღვარძლიან კაცს, რომელიც ვერ იტანდა ამხანაგებს. უბრალო მიზეზისათვის ეჩხუბებოდა და თავს ესხმოდა ხან ერთს და ხან მეორეს. ამგვარი შეტაკებები და ცემა-ტყეპა მოხდა მას რამოდენიმე პირთან, ხოლო როცა, 1926 წლის გაზაფხულზე ის კვლავ თავს დაესხა უმართებულოთ ერთ-ერთ ოდენკურელ ქართველს, მის ამხანაგებმა გადასწყვიტეს მისი მორალურათ დასჯა: ის გარიცხულ იქნა ოდენკურის ქართველ ს. დემოკრატიულ ორგანიზაციიდან და მას ბოიკოტი გამოეცხადა. ს. დემ. ორგანიზაციის კრებას, რომელმაც ეს დადგენილება გამოიტანა თავმჯდომარეობდა კ. შარაბიძე და მას სვდა წილად კრების გადაწყვეტილების ჟანუყვადისთვის გამოცხადება. ამ დღიდან უკანასკნელი გადაემტერა შარაბიძეს და დაუწყა მას დევნა რევოლვერის დამუქრებით. უბედურების თავიდან ასაციდენათ ამხანაგებმა აიძულეს შარაბიძე წასულიყო ოდენკურიდან. მაგრამ რამდენიმე ხნის შემდეგ ჟანუყვადეც გადავიდა პარიზში, საცა შარაბიძე მუშაობდა და იქაც არა ერთხელ სცადა მასზე თავდასხმა. ხოლო როცა 1929 წლის დამლევს შარაბიძე ოდენკურში დაბრუნდა და იქ მუშაობა დაიწყო, რამოდენიმე ხანში ჟანუყვადეც ოდენკურში ჩავიდა. ოდენკურის ქართ-

ველობა ამან მეტად ააღლვა: ყველასათვის ცხადი იყო რომ ჟანუყვადე შარაბიძეს გამოედევნა ანგარიშის გასასწორებლათ. ერთ დღეს მოწმე ქარხანაში მისულა სულ სხვა საქმეზე და იქ ადმინისტრაცია შეკითხებია—იკისრებთ თუ არა ჟანუყვადის თავდებობას. ბაქრაძეს უარი უთქვამს, რის გამოც წინდლით სამუშაოზე მიღებული ჟანუყვადე ქარხნიდან დაუთხოვიათ. ამის გამო ჟანუყვადე მივიარდნია ბაქრაძეს და ლანძღვა-გინებით და მუქარით გამასპინძლებია. ბაქრაძემ გადასწყვიტა საკითხი მისი მოქმედების შესახებ დაესვა ოდენკურის ქართველთა ასოციაციის სხდომაზე. სწორედ ამ დროს ჩამოსული იყო ოდენკურში ნოე რამიშვილი სულ სხვა საქმეებზე. ის დაესწრა ასოციაციის იმ კრებას, რომელზედაც ბაქრაძემ დასვა საკითხი ქარხნის ადმინისტრაციის წინაშე ჟანუყვადის შესახებ გადადგმულ ნაბიჯის გამო. ნოე რამიშვილს არავითარი მონაწილეობა არ მიუღია ამ საკითხის გარჩევაში, არც თავისი აზრი უთქვამს, არც ხმა მიუცია. ასოციაციის 31 წევრისაგან 26-მა დაადასტურა ბაქრაძის მოქმედება. ჟანუყვადე იძულებული გახდა წასულიყო ოდენკურიდან. ასოციაციის წევრებს გადასწყვიტოლი ჰქონდათ მიეცათ მისთვის 250 ფრანკი გაწეულ ხარჯების ასანაზღაურებლათ. აი მხოლოდ ამ საკითხში ჩარევიან რ. რამიშვილი და მისი თხოვნით მიუციათ ჟანუყვადისთვის ორჯერ მეტი, ე. ი. 500 ფრანკი 250-ის მაგივრათ.

ჟანუყვადის დამცველი დელატრი ცდილობს წინამდევობაში დაიპიროს ბაქრაძე, მაგრამ ეს უკანასკნელი ადვილათ აგებიებს სასამართლოს რომ «წინამდევობა» გამოწვეულია ადვოკატის მიერ დატების არევიით და საქმის სუსტათ ცნობით.

ვ. ბაქრაძე არცევეს აგრეთვე, რომ ნ. რამიშვილს არ შეეძლო ჟანუყვადე საქართველოში დაებრუნებია. ლეგალური გზით ხომ მხოლოდ ბოლშევიკებს ძალუქთ ხალხის დაბრუნება, არალეგალური გზით კი გზავნიან მეტად სანდო ხალხს საიდუმლო მისის ასასრულებლათ. ამკარაა რომ რამიშვილი თავშიც არ გაივლებდა ასეთი დავალებით ჟანუყვადის გაგზავნას.

ამკარა იყო, რომ ამ მოწმის ჩვენება საგსებით არცევედა მკვლელის მიერ წამოყენებულ პირველი და მთავარი მოტივის სრულ სიყალბეს. ამიტომ ჟანუყვადე, რომელიც აქამდე თავს იქერდა, გაიწმამტა, სრულიად აირია და მოწმეს ლანძღვა-გინება და უდიერი სიტყვები ესროლა.

განსაკუთრებული ინტერესი ჰქონდა მოწმე ქერქაძის ჩვენებას. ის აცხადებს, რომ სწორი და თავისუფლად მიცემული იყო მისი პირველი ჩვენება, ხოლო ტორესთან მისვლა და პოლიციაში განცხადების შეტანა იყო შედეგი ძალდატანების და დამუქრებისა, რომელიც იხმარეს მის მიმართ გვეგლიამ და საზოგადოთ «სპ. კელიას ხალხმა». ამათ გადამათქმევიეს ჩემი პირველი ჩვენება, მიმიყვანეს მოტყუებით ტორესთან და ამათვე მიიძულეს განცხადება მიმეცა პოლიციაში. ეს იმიტომ ჩავიდინე რომ თავი შემენახა პროცესამდე და აქ სიმართლე მეტკვა.

ეს განცხადება იწვევს დიდ შეტაკებას ადვოკატებს შორის, სასამართლო ითხოვს ჟანუყვადის მიერ

გამოწვეულ მოწმე გეგელიას ქერქაძისათვის პირში წასაყენებლათ. ქერქაძე იმეორებს თავის განცხადებას, გეგელია უარყოფს ყოველივე ძალდატანებას ან დამუქრებას; ქერქაძე თვით მოვიდა ჩემთან დამის I საათზე და მითხრა ლეგაციაში ძალა დამატანეს და ყალობა მოწმობა მიმაცემისო. მე ვუთხრე, მას ეს პოლიციაში განცხადება; თუ ვასლთ მას პოლიციის კამისართან, ეს მისივე თხოვნით, როგორც თარჯიმანიო...

მოწმე სიმონ მდივანი, დამფუძნებელ კრების თავმჯდომარის ამხანაგი, მოკლეთ ახასიათებს ნ. რამიშვილის მოღვაწეობას უცხოეთში, მის ენერგიულ მუშაობას არა მარტო ქართულ პოლიტიკურ პარტიების გასაერთიანებლათ მტრის წინააღმდეგ, არამედ აგრეთვე მის მუდმივ ცდას კავკასიის ერების ყველა მებრძოლ ძალების შეკავშირებისას საერთო მტრის წინააღმდეგ, ნ. რამიშვილი იდგა ამ ბრძოლის ცენტრში, ის იყო უსაშინლესი მტერი ბოლშევიკების; ათი წელი. ცდილობდა მოსკოვი მის თავიდან მოშორებას და ბოლოს მიადგინა მიწასო.

დიდის ინტერესით მოუსმინეს ნაფიც მსაჯულეებმა ევროპიელ მოწმეებს.

შვეიცარიელი ყურნალისტი ქან მარტენი, ცნობილ «ყურნალ დე ჟენევის» რედაქტორი (ჩვენი მკითხველი მას კარგად იცნობს, როგორც საქართველოს ერთგულ მეგობარს), აცნობს მსაჯულეებს შთაბეჭდილებებს თავის მგზავრობისა საქართველოში 1920 წელში. მე იქ ვიყავი როგორც ყურნალისტი, მთელი რესპუბლიკა დავიარე დარიალიდან ბაკურიან-ბათუმამდე, ყველგან სრული თავისუფლება და ევროპული წესრიგი სუფევდა. ეს იყო უმთავრესად ნ. რამიშვილის, მაშინ შინაგან საქმეთა მინისტრის საქმეთა. მას მთელი საქართველო, რწმენის განუთრჩევლათ პატივს სცემდა და აფასებდა, როგორც ენერგიულ, თავგანწირულ და უანგარო სახელმწიფო მოღვაწესო.

საფრანგეთის პარლამენტის დეპუტატი და ბორდოს ქალაქის თავი, ადრიენ მარკე, რომელმაც იმავე 1920 წელში ინახულა საქართველო, მოუთხრობს მსაჯულეებს, რომ მან გაიცნო ნ. რამიშვილი, როცა ეს უკანასკნელი მთავრობის წევრი იყო, გარს შემორტყმული მთელი ხალხის პატივისცემით და სიყვარულით. რამიშვილი იყო მოქმედების, საქმის კაცი და ნაე ყორდანას მორალური ავტორიტეტის ქვეშ, ის ხელმძღვანელობდა მთელს სოციალდემოკრატიულს, ანტიბოლშევიკურ მოძრაობას. მას პატივისცემა ქონდა დამსახურებული საზოგადოების ყველა წევრებში. მოწამე შეხვდა რამიშვილს პარიზშიაც, საცა ის იბრძოდა საქ. დამოუკიდებლობისათვის, ცდილობდა შეენარჩუნებია თავისი ხალხის მორალური და პოლიტიკური პოზიციები. ის იყო აღსავსე გამარჯვების რწმენით და შეუღრტკელი თავის მისწრაფებაში.

ადვოკატი მორო-ჯიაფერი ეკითხება მოწმეს— მართალია თუ არა თითქოს რამიშვილი თავის ჯიბეების გასქელებას მისდევდა, როგორც ეს ბრალდებულმა განაცხადაო.

მარკე უპასუხებს: ეს არის ცილისწამება, რომე-

ლიც განსაკუთრებით მოწმობს მის ავტორთა სრულ გათასხირებას.

კამილ ჰიუსმანსი, ბელოგიის ყოფილი განათლების მინისტრი, იცნობს რამიშვილს დიდი ხნიდან. რადგან მოწმე ომამდე 18 წლის განმავლობაში მე-II ინტერნაციონალის მდივანი იყო. ის მას იცნობდა როგორც თავდადებულ, ერთგულ, ენერგიულ მებრძოლ სოციალისტს. მან სოც. დელეგაციასთან ერთად კვლავ ინახულა რამიშვილი 1920 წ. საქართველოში და დარწმუნდა. რომ უკანასკნელი იყო ერთი მთავარი შემქნელი დემოკრატიული საქართველოსი, რომელსაც ყველა წრეებში ერთნაირი პატივისცემა ქონდა დამსახურებული. ესევე მითხრეს საქართველოში მყოფ ბელგიელებმა, რომელთაც ბევრი რამ არ მოსწონდათ სოციალისტ. მთავრობის მოღვაწეობაში, მაგრამ უღრმეს პატივს სცემდნენ მთავრობის ყველა წევრებს და განსაკუთრებით ნ. რამიშვილსო. დასასრულ ჰიუსმანსი ასე ახასიათებს რამიშვილის მისწრაფებას: მას ორი მიზანი ასულდგმულეებდა: დამოუკიდებლობა საგარეოთ და დემოკრატია შიგნითო.

დაბოლოს სასამართლო უსმენს სამ მოწმეს სოფ. ლევილიდან, საცა ნ. რამიშვილი მრავალ წელთა განმავლობაში ცხოვრებდა თავისი ოჯახით. ესენი არიან: ამ სოფლის მერი, ბ. გოდფრუა, მასწავლებელი, ქ-ნი გრობი და ქ ნიბურე. ამ მოწმეების ჩვენებაც განსაკუთრებულ შთაბეჭდილებას ახდენს სამსჯავროზე. ისინი უბრალოთ ასწერენ რამიშვილის და მისთანების ღარიბს, მარა ღირსეულ ცხოვრებას. რამიშვილი მთელი დღეებით ბოსტანში მუშაობდა, მისი მეუღლე კიდევ საქსვე მანქანაზეო. მთელ ლევილში განსვენებულს ღრმა პატივისცემა ჰქონდა დამსახურებულიო.

ამით დამთავრდა სასამართლოს გამოძიება. აღსანიშნავია შემდეგი: ამ უკანასკნელ მოწმეების დაკითხვის წინ სამოქალაქო მხრის წარმომადგენელმა, მორო-ჯიაფერიმ განაცხადა, რომ თუ კვლავ არ წამოიჭრა პოლიტიკური საკითხები, ის უარს ამბობს მის დანარჩენ მოწმეზე (ალ. ხატიანი, მ. ე. რასულხა დე, ბ-ნი შამილი, გ. გვაზავა, ნ. ცინცაძე, დ. შარამიძე და სხ.). ვთხოვ კი მათ დარჩენ დარბაზში, რომ საჭიროების შემთხვევაში დავკითხოთო. მაშინ დამცველმა დელატრმაც თავის მხრით განაცხადა—მეც უარს ვამბობ ჩემს ერთადერთ მოწმეზე ბ-ნ კელიაზე (სპირდონ), ნაციონალ-დემოკრატ. პარტიის თავმჯდომარესა და შეფუხო. ჯიაფერმა გაუსწორა: ბ. კელია არ არის ნ. დ. პარტიის არც თავმჯდომარე და არც შეფიო. ამ პარტიის ნამდვილი წარმომადგენელი არის ჩემი მოწმე, ბ. გ. გვაზავა და თუ კელიას დაკითხვა, მეც მოვითხოვ გვახავას დაკითხვასო. თან გადაჰკრა დელატრის—თქვენი ერთად ერთი მოწმის მოხსნა ნამდვილათ უკან დახევააო.

გაიხსნა მხარეთა დავა.

პირველათ ილაპარაკა სამოქალაქო მხარის ვექილმა მორო-ჯიაფერიმ. ჩვენ არ ძალგვისს თუ გინდ მოკლეთ გავაცნოთ მკითხველს ეს შესანიშნავი, სამაგალითოთ აცმული და დალაგებული სიტყვა, რომელიც 2 საათი გაგრძელდა. ვიტყვით მხოლოდ, რომ



მან სასამართლოს გამოძიების მასალაზე დაყრდნობით ერთი მეორეზე გაანადგურა მკვლელის მიერ მოყვანილი მოტივები და აშკარა ჰყო, რომ ნამდვილ მოტივს მკვლელობისას ჟანუყვაძე არ აცხადებს. ადვოკატის რწმენით ის იყო მოსკოვის ნების აღმასრულებელი. ნ. რამიშვილი კანდა ჯულაშვილი — სტალინის შურისძიების მსხვერპლი... ჯიაფერიმ მისცა მსაჯულებს ცოცხალი სურათი საქართველოს, მისი წარსული ბრძოლების, მისი სახელმწიფო შემოქმედების, საბჭოთა რუსეთის ვერაგული თავდასხმის, დამოუკიდებლობის ბრძოლის წარმოების იქ, საქართველოში, და აქ, უცხოეთში. ამ სურათზე ასახა მან ნ. რამიშვილის პიროვნება, მისი უანგარობა, მისი თავდადება, მისი შეუდრეკელობა და დაუშრეტელი ენერჯია. ასეთი მოღვაწის პოლიტიკურ სარბიელიდან მოხსნა შეეძლო მხოლოდ იმას, ვინც საქართველოს მტრების ჩაგონებით ხელმძღვანელობდა. მკვლელი თავის საიდუმლოებას გულში ინახავს, ის არ გვიმხელს თავის ნამდვილ მოტივებს, ამიტომაც მას შენდობა არ ეკუთვნის, მან მოსტაცა ოჯახს მესვეური, ერს სული, დემოკრატიას ჩირაღდანი, ჩვენი კერის მშვიდობიანობისათვის. ჩვენი მართლმსაჯულების ღირსებისათვის, მე მოვითხოვ მის დასჯას.

პროკურორი სიამი არჩევს საქმის იურიდიულ მხარეს, აბათილებს მკვლელის მიერ მომიწიებულ მოტივებს და სახავს მკვლელობას, როგორც გულღვარძლიანი, გაბორტებული ადამიანის შურისძიებას ყველა მის თანამემამულეებზე; ამ მიზნით მან აირჩია და მოჰკლა საუკეთესო ქართველი მოღვაწე უცხოეთში.

დამცველთაგან პირველათ ლაპარაკობს ტორესი. ის ჯერ მოწმეების დაკითხვის დროს არა ერთხელ დაესხა თავს უდიერათ საქართველოს ლეგაციას პარიზში — ის არ არის დიპლომატიური დაწესებულება, არამედ პოლიტიკური ორგანიზაცია, რომელიც

ხრიკებს და თავდასხმებს აწყობს. ხოლო თავისი დაცივით სიტყვის უდიდესი ნაწილი მოახმარა საქართველოს დამოუკიდებლობის გამასხარავებას და გაბანებას — ხალხში მას ნიადაგი არ ჰქონდა, ის მოგონილია რამდენიმე პოლიტიკოსის მიერ (ყორდონია, ჩხეიძე, წერეთელი, რამიშვილი და სხ.), რომელნიც ჯერ რუსობდნენ, ხოლო, როცა რუსეთიდან გამოაძევეს ბოლშევიკებმა, ეროვნული თავისუფლება შეთხზესო, ეს დამოუკიდებლობა ეყრდნობოდა უცხო ძალას — ჯერ გერმანელებს, რადგან საქართველოს რესპუბლიკის ხელმძღვანელი ნამდვილი გერმანოფილები იყვნენ და ვილჰელმის ჯარებს მოუწოდეს, მაშინ როდესაც ჩვენ, ფრანგები, სისხლიდან ვიცლებოდით ამ ჯარებთან ბრძოლაშიო. ხოლო როცა გერმანია დამარცხდა, ინგლისელები მოიყვანეს და მათ ბაქო-ბათუმის ნავთსადენი და ბათომ-ყარსის რკინის გზა ჩააბარეს. საქმის არსებით მხარეზე ტორესს ბევრი არ უღაპარაკია; ჟანუყვაძე უმუშევრობის მსხვერპლია. ისიც ხელოვნური უმუშევრობის, რომელიც ქართველ სოციალდემოკრატებმა შეუქმნეს მისი ქარხნიდან დათხოვნითო. ამავე თეზის იცავდა ჟანუყვაძის მეორე დამცველი, დელატრი.

აღსანიშნავია, რომ არც ერთს და არც მეორე დამცველს არ მიუცია თავისთავისათვის ნება ნ. რამიშვილის აუგი ეთქვა, მისი ხსოვნა ცუდათ მოეხსენებია. პირიქით, ორთავემ გამოუცხადეს ქ-ნ მ. რამიშვილს — ქედს ვიხდით თქვენი მეუღლის ხსოვნის წინაშეო.

მკითხველმა იცის სასამართლოს განაჩენი. ნაფიც მსაჯულებმა დადებით უპასუხეს პირველ მთავარ — კითხვას. შემამსუბუქებელ გარემოების ცნობით. ამისდა გვარათ სასამართლომ გამოუტანა ჟანუყვაძეს ათი წლის ციხე (იზოლიაცია სასტიკ პირობებში) და 20 წლით საფრანგეთის ტერიტორიაზე ცხოვრების აკრძალვა.

საბჭოთა დემპინგი და ფინანსური კრიზისი

კვრების და ამერიკის პრესაში ბევრს სწვრენ საბჭოთა ვაჭმირის დემპინგისა და ფინანსურ გასაკვირის შესახებ. ერთი ასეთი წერილი, ზემოთ აღნიშნულ სათაურით, მოცუნილია ცნობილ ფრანგულ ჟურნალში «Des deux mondes»-ში და ეკუთვნის საფრანგეთის ცნობილ პოლიტიკურ მოღვაწეს სენატორ ფრ. გაკკარდს. ჩვენ მოვყავს აქ მოკლე შინაარსი ამ წერილის, რომელიც ნათლად განმარტავს საგანს და იმავე დროს გვაჩვენებს საფრანგეთის სახლგადგობრივი აზრის ერთ ფრთად გაკვნიან მიმდინარეობის წარმომადგენლის შესვდულებას აღნიშნულ საკითხზე.

საბჭოთა დემპინგის განსაკუთრებული სახიათი. ჩვეულებრივი დემპინგის დამახასიათებელი თვისება არის საქონლის უცხო ქვეყნებში გაყიდვა იქ არსებულ ფასებზე უფრო იაფად და იმავე დროს ისე იაფად, რომ გამკიდველი იმასაც კი არ იღებს, რათაც მას თვითონ უჯდება საქონლის დამზადება. საბჭოთა დემპინგს ახასიათებს სხვა განსაკუთრებული გარემოება.

ევროპაში და ამერიკაში დემპინგს მიზართავენ ისეთი სახელმწიფოები, რომელთა სოციალური და ეკონომიური საქმიანობა ერთსა და იმავე უფლებრივ პრინციპს ემორჩილება; საბჭოთა კავშირში კი დემპინგს რევოლუციონური დანიშნულება აქვს და იგი სახალხო მეურნეობის სრული ნაციონალიზაციით სულდგმულობს. კავიტალისტურ ქვეყნებში რომ მოინდომონ შინაურ ბაზარზე საქონლის უსახლგროთ

გაძვირება, ხოლო უცხოეთში ამავე საქონლის იაფად გაყიდვა, ამას წინააღმდეგა სახელმწიფო, ამის წინააღმდეგ მომხმარებელნი გაილაშქრებენ; საბჭოთა კავშირში კი სახელმწიფოს უჭირავს ხელში საგარეო ვაჭრობის მონაპოლია და შინაური ბაზრის აბსოლიუტური ბატონ-პატრონიც იგივე სახელმწიფოა; სახელმწიფო აწესებს იქ უცხოეთში გასატან საქონლის ფასებს და აწესებს, ისე როგორც მას მოესურვება.

საქონლის თვითღირებულება, რაზედაც ემყარებიან კაპიტალისტურ ქვეყნებში ფასების გამოსაშუშავებლად, საბჭოთა რუსეთში მეორე ხარისხვან როლს თამაშობს. ორი უმთავრესი ელემენტი განსაზღვრავს ყოველგან თვითღირებულებას: სარგებელი კაპიტალზე და მუშის ხელფასი. პირველი ბოლშევიკებმა მაშინ მოსპეს, როცა ნაციონალიზაცია მოახდინეს ყოველგვარ კერძო დაწესებულებების, ხოლო მუშის ხელფასი გაანიავეს იძულებითი შრომის წყალობით და რუსის ფულის კურსის საშინლად დაცემით. დღეს არც იმის მტკიცებაა საუკირო, რომ დემპინგი საბჭოთა ხუთწლიან გეგმასთან არის დაკავშირებული.

უცხოეთში გატანილ საქონელს საბჭოები აუცილებლად უცხო ვალიუტაზე ყიდიან, რომ იმით მანქანები და ნედლი მასალა შეიძინონ ქარხნებისთვის და უცხოელ ტენიკოსებს ჯამაგირი გადაუხადონ. მცოდნე პირების აზრით ბოლშევიკებს სურთ რუსეთის გადაქცევა ისეთ ინდუსტრიალურ ქვეყნათ, რომელიც არამც თუ თავისთავს სავსებით დაიკმაყოფილებს, არამედ გაუმჯობესებულ მანქანების საშვლებით საშიშარ კონკურენციას გაუწევს სხვა ქვეყნებსაც.

ამნაირად ჩვენ მოგველის საშიშროება არა მარტო იმის, რომ რუსეთში დავკარგავთ კლიენტურას და ამავე დროს ჩვენი საკუთარი ბაზრებიც რუსის ნაწარმოებით აივსება, არამედ იმისიც უფრო, რომ ჩვენს წინაშე აღიმართება სახელმწიფო შეიარაღებული ძიძმე და ქიმიურ ინდუსტრიით, ძმლაგირი მილიტარული სახელმწიფო, რომელსაც შეეძლება მართლაც იფიქროს თავისი რევოლუციონური პლანების განსახორციელებლად, რაც ბოლოსდაბოლოს მისი არსებობის უმთავრეს საგანს წარმოადგენს.

სადრანკეთის და საბჭოების მოლაპარაკება.

დიდი ხნის განმავლობაში არც მთავრობა და არც საზოგადოებრივი აზრი საფრანგეთის ბოლშევიკების პლანებს არავითარ ყურადღებას აქცევდა. ისინი განუხორციელებლად მიიჩნდათ. მაგრამ ბოლოს საბჭოების დემპინგი საფრანგეთის ვაჭრობა მრეწველობასაც ძალზე მოხვდა და ხელისუფლება იძულებული შეიქნა ამ გარემოებისთვის ანგარიში გაეწია. სენატმა მოიწონა მიწათმოქმედების მინისტრის ბ. ტარდიეს განცხადება, რომ საბჭოთა დემპინგი მარტო საფრანგეთს კი არ ესება, არამედ ევროპის და ამერიკის ყველა სახელმწიფოებს და ამიტომ მათთან ერთად უნდა იქნეს შემუშავებული ზომები ამ საშიშროების თავიდან ასაცილებლად.

მართლაც, საფრანგეთის წარმომადგენლებმა ეკო-


ნომიურ კონფერენციაზე ეწვევაში, 1930 წლის სექტემბერში, სცადეს ბლოკის შედგენა მოსკოველთა თავდასხმის წინამდებ და დაპირებაც ჰქონდათ მრავალ სახელმწიფოთაგან, რომ საფრანგეთს მხარს დაუჭერდნენ; მაგრამ გერმანიის და იტალიის წინამდებობამ ჩაშალა ეს საქმე. ასეთ გეგმის განხორციელებას საფრანგეთი ამის შემდეგ აღარ დაბრუნებია. 3 ოქტომბერს 1930 წ. საფრანგეთის ვაჭრობის მინისტრმა გამოსცა დეკრეტი, რომლის ძალით აღკრძალული იყო ნებადაურთველად რუსეთთან შემოტანილი მთელი რიგი ისეთ საქონლის, რომლის ფასებს ევროპითარი კონკურენცია ვერ გაუძლებდა. ყველაზე უფრო საშიში ამ საქონელში იყო ხორბალი, ხეტყის მასალა და სელი. საფრანგეთის მთავრობის დეკრეტს რუსეთის მთავრობამ რეპრესიებით უპასუხა (დეკრეტი 20 ოქტომბრის 1930 წ.) და პარიზში არსებული საბჭოთა სავაჭრო დელეგაცია მოხსნა. საბჭოების მხრივ ასეთი ნაბიჯი მხოლოდ თვალის ასახვევად იყო გადადგმული. მაშინ როცა საფრანგეთიდან რუსეთში საქონლის გატანამ მართლაც შესაძინევათ იკლო, რუსეთიდან შემოტანილი საქონლით კვლავ ივსებოდა საფრანგეთი, რადგან საბჭოთა ხელისუფლება სულ სხვადასხვანაირ ხერხს მიმართავდა ხოლმე. კერძოთ, მრავალი საქონელი რუსეთიდან ჩამოტანილი ახლა ინგლისის, გერმანიის, პოლანდიის და ლიბიტროფების სახელწოდებით შემოჰქონდათ და, ამნაირათ, დეკრეტი სიტყვიერათ ძალაში იყო, სინამდვილეში კი იგი არ არსებობდა. აი ბალანსი საფრანგეთის ვაჭრობისა რუსეთთან:

	შემოტან. რუსეთიდან	გატან. რუსეთში	(ათასი ფრანკის)
1928 წ.	717.436	174.969	
1929 წ.	788.191	255.605	
1930 წ.	886.239	169.892	

1930 წელს დეფიციტი საფრანგეთის რუსეთთან ვაჭრობას აღემატებოდა 700 მილიონ ფრანკს. ასეთივე მდგომარეობა გრძიდებოდა, წვეთი მოყვანილ მიხეზების გამო, 1931 წლის განმავლობაშიც. ამიტომ საფრანგეთის მთავრობამ ამჯობინა ისევ საბჭოებთან მოლაპარაკების დაწყება. დიდი და მძიმე მოლაპარაკების შემდეგ საფრანგეთის და რუსეთის წარმომადგენლებმა მიღწიეს შეთანხმებას. რომლის თანახმად ორივე მხარეს უკან მიაქვთ 1930 წლის დეკრეტები; საფრანგეთი უფლებას იტოვებს ზოგიერთ საქონელზე (კერძოთ, ხორბალი, ხეტყე და სელი) საბჭო გადასახადების სამჯერ და ოთხჯერ გადიდებისას და ეს უკანასკნელი გადაწყვეტილება ძალაშიც შედის 14 ივლისს 1931 წელს.

საბჭოთა ფინანსური ვახაჭირო.

როგორც მოგვხსენებათ, საბჭოებმა გამოიმუშავეს ეგრეთ წოდებული ხუთწლიანი გეგმა, რომლის განხორციელება 85 მილიარდი მანეთი უნდა დამჯდარიყო. ბოლშევიკებს ასე ეგონათ, რომ რუსეთის მოსახლეობა ბლომით იყიდიდა ქარხნებში დამზადებულ საქონელს და აქედან აღებულ მილიონებს ხელისუფლება ხუთწლიან გეგმის განხორციელებას მოახმარებდა. სინამდვილეში საშინლად დაამხვრია



ბოლშევიკების ასეთი უტოპია. ვგრეთ წოდებულმა სოფლის მეურნეობის კოლექტივიზაციამ და «ნე-ვისს» მიერ შექმნილ პირობების მოსპობამ რუსის გლეხს წაართვა ეკონომიური დამოუკიდებლობა და სახსებით გააღატაკა იგი. არამც თუ ხუთწლიან გეგმის განსახორციელებლად რუსის გლეხი ვერაფერს გაი-ღებს, არამედ აწი ის ვერც იმ გადასახადებს შეიტანს, რომლითაც დღემდის სულდგმულობდა საბჭოთა ხელისუფლებამ. ასეთმა მდგომარეობამ დასცა საბ-ჭოთა ფინანსებიც. 1 ივნისს 1931 წელს ფულის ტრი-ალი 4 მილიარდ მანეთს აღემატებოდა, ესე იგი 52 მილიარდ ფრანკს, და ამდენა ფულის მხოლოდ მცირე მინიმუმი თუ იყო დაფარული ძვირფას ლითონით და უცხო დევისებით. შინაურ სესხებმა, რომელიც დაასლოებით ხუთ მილიარდ მანეთს უდრის, ესე იგი 60 მილიარდ ფრანკს, ხომ სახსებით ამოსწორეს ქვე-ყნის ფინანსური შესაძლებლობა. არც საგარეო სე-სხია მოსახერხებელი, რადგან საბჭოებს არავინ ენ-დობა. მაშ რითი უნდა უშველონ ხუთწლიან გეგმას? ერთად ერთი საშვალეება საქონლის ექსპორტი უც-ხოეთში და კრედიტის მოწყობა იქ ფულის ან საქონ-ლის სახით. ძნელია იმის გაგება, თუ სულ რამდენი კრედიტი აქვთ საბჭოებს უცხოეთში, ხოლო მთავ-რობების მიერ უზრუნველყოფილ კრედიტების ჯამი კი 15 მილიარდ ფრანკს შეადგენს. აქედან გერმანიაში 4 მილიარდი ფრ., ინგლისში 400 მილ. ფრ., იტალია-ში—270 მილ., ჩეხოსლოვაკიაში—375 მილ., ავსტრია-ში 500 მილ., ნორვეგიაში, ფინლიანდიაში და პო-ლონეთში 280 მილ. თითოეულში. საბჭოები ვეღარ ამართლებენ ამ ვალდებულებებს და ამიტომ, რო-გორც ფრანკფურტის გაზეთი სწერდა ამას წინათ, საბჭოების ორას მილიონ მარკის ვექსილები ტრია-ლობს ახლა გერმანიაში და კაცი არაა იმის გამანდ-ლებელი. დარჩათ ექსპორტი.

რუსეთის ექსპორტი.

აუცილებელია ექსპორტი, ექსპორტი რათაც უნდა დაჯდეს იგი. ექსპორტი რა ფასებშიც არ უნდა გაიყიდოს საქონელი. აქედან წარმოიშვა დემპინგის აუცილებლობა. და აი ჩრდილ. ამერიკა, კანადა, ავ-სტრალია, დუნაის ქვეყნები საბჭოებმა დაანარაღეს იაფი ხორბლის შემოტანით, პოლონეთი ნაქსოვების იმპორტით, ფინლიანდია, ჩეხოსლოვაკია, რუმინია, ავსტრია ხე ტყის მასალით; ინგლისის ინდოეთს და ნიდერლანდის ინდოეთს ებრძვიან ბაზარზე საშინელ იაფად და ბლომით გამოტანილ შაქრით; ხოლო შე-ერთებული შტატების და ინგლისის ინდოეთის მარ-განეცის ინდუსტრია რუსეთიდან შემოტანილი მარ-განეცი-თგანადგურეს. მართალია, საბჭოთა ექსპო-რტი რუსეთის ომის წინა დროის ექსპორტს 50 პრო-ცენტს არ აღემატება, მაგრამ ამ შემთხვევაში ისაა დამახასიათებელი, თუ როგორ იმატა ექსპორტმა 1927 წლის შემდეგ, ესე იგი სწორეთ შემდეგ ხუთ წლიანი გეგმის შედგენისა. 1928-29 წ. გატანილი იყო რუსეთიდან საქონელი 12.617.830 ტონი და ღირებუ-ლი 877,5 ათას მანეთად; 1929-30 წ. კი გატანილი იყო 18.869.790 ტონი ღირებული 1.002.2 ათას მანეთად. მეტათ დამახასიათებელია ეს ციფრები: მაშინ როცა

გატანილი საქონლის რაოდენობას უმატნია 50 პრო-ცენტით, მის ღირებულებას უმატნია მხოლოდ 14.2 პროცენტით. ამნაირათ, გააქვთ რაც შეიძლება მეტი და ფასებს აწესებენ რაც შეიძლება ნაკლებს.

სამომრდებლა საფრანკეთის და საბჭოების დაახლოების.

ექსპორტის გადიდება მაინც არ შევლის საბჭოებს ბიუჯეტის წონასწორობაში მოსაყვანად და ისინი მაინც უკიდურეს ფინანსურ გასაპირს განიცდიან. ყოველი ღონე უნდა იღონონ ფულის საშოვნელად.

ლიტვინოვი საზოგადოებრივი აზრის დასამშვი-დებლად 18 მაისს 1931 წ. აცხადებს ყენევაში, რომ ორი სისტემა—საბჭოთა და კაპიტალისტური დია-ხაც კარგათ მოთავსდებიან ერთად და მშვიდობაშია-ნათო და უარს ყოფდა, თითქოს საბჭოებს რაიმე ეკო-ნომიური თუ პოლიტიკური აგრესული განზრახვე-ბი ჰქონდესთ; 12 მაისს 1931 წ. კი კომუნისტური ინ-ტერნაციონალი თავის მოწოდებაში ამბობდა, რომ საბჭოთა კავშირი მოწინავე რაზმია მსოფლიო რევო-ლუციისა და იმავე წლის 9 მაისს მოსკელ კაშენი საფრანგეთის პარლამენტში განმარტავდა, რომ ორი სოციალური კონცეპცია—საბჭოთა და კაპიტალის-ტური ერთი მეორის წინააღმდეგია და შეურიგებე-ლიო.

საბჭოები ძალიან მოხერხებულ პოლიტიკას აწა-რმოებენ, ისინი ადვილათ მოქმედებენ ერთი-მეორეს დაშორებულ მოწინააღმდეგებზე, არავითარ ზომას ერთდებიან და არც არაფრის რცხვენიათ. ინტერნა-ციონალურ კარტელებს, ამ კაპიტალისტურ სიმაგ-რეებსაც კი, ისინი ადვილათ უახლოვდებიან, ოღონდ სარგებლობა რაზე კი ნახონ. ასე, ისინი კელნში, ქე-ნევაში და ვარშავაში კაპიტალისტურ კარტელებთან თათბირობდენ ხოლო ამავე დროს არც საფრანგეთი დავიწყებიათ, რადგან კარგათ იციან, რომ ის არის ერთად ერთი ქვეყანა, რომელსაც შეუძლია დღეს მათი მადის დაკმაყოფილება.

ჩვენ უკვე დავინახეთ, თუ რა მნიშვნელოვანი კრედიტები იშოვეს საბჭოებმა გერმანიაში და ინ-გლისში; ეს უკანასკნელნი ფიქრობდენ, რომ რუსეთ-თან ვაჭრობა მათ დიდ მოგებასაც მისცემდა და უმუ-შევრობის განულებასაც ამ ქვეყნებში ხელს შეუწყო-ბდა; გერმანიას იმის იმედი ჰქონდა, რომ თუ იგი საბჭოებს და მათ მილიტარულ სიძლიერეს გაამაგ-რებდა, უფრო ადვილათ შეარღვევდა ვერსალის ხელ-შეკრულებას. მაგრამ დღეს ყველასთვის აშკარა შე-იქნა, რომ ასეთმა პოლიტიკამ დაღუპა ფინანსიურათ ინგლისიც და გერმანიაც. მართალია, ინგლისს იმდენი ფული არ მიუცია საბჭოებისთვის პირდაპირ, რამდენიც მისცა გერმანიამ. მაგრამ ინგლისის ფული მიდიოდა საბჭოებთან არაპირდაპირ—გერმანიის სა-შვალეებით. საბჭოებთან ურთიერთობაში ფული შე-იძინეს მხოლოდ შუამავლებმა, ზოგმა მრეწველმაც, თუმცა ამათგან ზოგმა დაკარგა კიდევ; ხოლო რაც შეეხება ბანკებს და მთავრობებს, იმათ არაფერი შე-უძენიათ გარდა საბჭოების ქაღალდებისა, რომლის გამანდლებელი ახლა აღარავინ არის.

რა თქმა უნდა, ამის შემდეგ ინგლისი და გერმა-

ნია საბჭოებს ფულს აღარ ასესხებენ და საბჭოებმაც პირი საფრანგეთისკენ იბრუნეს, იმ ერთად ერთი ქვეყნისკენ, რომელსაც შეუძლია მათი საქიროების დაკმაყოფილება.

ლიტვინოვი ქენევაში ამოქმედდა, ხოლო საფრანგეთში განსაკუთრებული დელეგაცია იქნა მოსკოვიდან გამოუზავნილი ბ.ბ. მექლაუკის და გერსკის მეთაურობით. საფრანგეთის მთავრობის მიზანი იყო, როგორც დაეინახეთ, აღდგენა კომერციულ ბალანსის წონასწორობის და დაკვეთების მიღება საფრანგეთის ინდუსტრიისთვის. მაგრამ, კომერციულ ბალანსის გამოსასწორებლად საქმარისი იქნებოდა. თუ საფრანგეთი თავს გააანებებდა მოსკოვიდან ნავთის შექმნას და იმას რუმინიაში იყიდოდა; რაც შეეხება საბჭოების მიერ საფრანგეთში საქონლის ყიდვას. ამ მოსახრების მნიშვნელობა უკვე გერმანიის და ინგლისის მაგალითებზე დაფიქსირდა. არ კმარა საქონლის დაკვეთა მხოლოდ, საქიროთა საქონელში ფულის მიცემა; აქ კი ისეთ სახელმწიფოსთან გვაქვს საქმე, რომელიც პრინციპიალურად არის წინააღმდეგი განაღდოს თავისი ვალდებულებანი კაპიტალისტურ კრედიტორების მიმართ და თვითონაც ყოველივე ნდობას არის მოკლებული.

რუსებს სურთ თვითონ ნაღდათ მიიღონ ფული, როცა რასმე გაყიდონ, ხოლო თუ რასმე ყიდულობენ, ეს გრძელვადიან თამასუქებით უნდათ გადაიხადონ. საშიშია, რომ საფრანგეთსაც ის არ მოუვიდეს, რაც ინგლისსა და გერმანიას. მართალია, აქ მთავრობა უარს ამბობს ყოველგვარ გარანტიანზე, მაგრამ ის გრძელვადიანი თამასუქები, რომელსაც მრეწველები საბჭოებიდან მიიღებენ, განაღდებული იქნება ფრანგულ ბანკებში და შემდეგ ვადაგაგრძელებულიც; დადგება დრო და საფრანგეთის (სახელომწიფო) ბანკი იძულებული შეიქნება ჩაერიოს ამ საქმეში, როგორც ეს ამას წინათ რეისბანკს დაემართა გერმანიაში, როცა იგი იძულებული შეიქნა გადაენაღდებია მრეწველების 150 მილიონ მარკის კრედიტი. შედეგი მთელი ამ ისტორიის, ამ თამასუქების განაღდების, შემდეგ მათი ვალების მრავალჯერ გადიდების და სხვ., ის იქნება რომ ვალი მანაც გადაუნდელი დარჩება.

და შეუძლია განა საფრანგეთს, მას შემდეგ რაც ორასი მილიარდი ქალაქის ფრანკი დაახლოებით უკვე დაკარგული აქვს რუსეთში და რუსეთის ინდუსტრიაში, თავი კიდევ ახალ მახეში გაყოს? ან დასაჯრებელია განა ის, რომ ომის წინად გაცემული სესხი შესაძლებელია აღებულ იქნას გაბაროტებულ და გალატაკებულ მთავრობისაგან?

საფრანგეთის მთავრობას სურს დემპინგისგან თავი დაიხდევოს, მაგრამ ამავე დროს იგი მეტად საშიშარ გზაზე დგება. ჩვენ დავასახელებთ საბჭოებთან დამოკიდებულების ცუდი მხარეები, მაგრამ არსებობენ კიდევ უარესებიც. საბჭოებთან ეკონომიურ დაახლოებით ჩვენ ვამარტებთ იმათ და ვასუსტებთ საფრანგეთს; იმიტომ რომ, როცა ჩვენ საქმეს ვიჭერთ კომუნისტურ მთავრობასთან, როგორც თანასწორთან, ჩვენ ვუქმნით ჩვენს ხალხს ილუზიას, თითქმის ბოლშევიზმის საშიშროება არც კი არსებობდეს ან

რომ იგი ყოველ შემთხვევაში თითქმის მეტად გადაჭარბებული იყოს; როცა ჩვენ საბჭოებს საქონელს ვაძლევთ ნისიათ. ხოლო იმათგან კი ნაღდზე ვყიდულობთ, ჩვენ ვეხმარებით ხუთწლიან გეგმის განხორციელებას და წითელი ჯარის შეიარაღებას; დასასრულ, ჩვენ ვაძლიერებთ საბჭოთა კომერციულ დელეგაციას. ყურადღებას არ აქცევენ ხოლმე ამ დაწესებულების მეტად სახიანო მოქმედებას ყველა ქვეყნებში; დაავიწყდათ 1927 წელში ლონდონში არკოსის ბინის გაჩხრეკა, როცა აღმოჩნდა რომ კომერციული დელეგაცია ცენტრი იყო ჯაშუშობის და რევოლუციონურ მოქმედების; სულ ახლო წარსულშიც ამსტორგის გაჩხრეკამ ბუენოს აირესში იმის დამამტკიცებელი საბუთები აღმოაჩინა, რომ საბჭოთა კომერციული მისია ძირს უთხრიდა არგენტინის ინდუსტრიას და ასულდგმულებდა კომუნისტურ მოძრაობას; 1931 წლის 18 აგვისტოს პოლიციამ გამოამკარავე შანხაიში, რომ საბჭოთა არკოსი წარმოადგენდა კომუნისტურ პროპაგანდის ორგანოს, რომლის მოქმედება მთელ აზიანზე და პაციფიკზე ვრცელდებოდა და უკანასკნელ თვეებში ამ საქმეზე მათ 80.000 გირ. სტ. ჰქონდათ დახარჯული. იქვე არ არის, დომ საბჭოთა კომერციული დელეგაცია პარიზშიც ამ საქმეს ემსახურება და, თუ ჩემი ინფორმაცია სწორია, საბჭოთა აგენტების რიცხვი, რომელიც 800-დან 300-მდე იყო შემოკლებული, ხელახლად გაადიდეს კომერციული მოლაპარაკების დაწყების შემდეგ და ყოველდღე აზლებს გზავნიან კომუნისტურ პროპაგანდის გასაძლიერებლათ, სახელდობრ ისპანიში.

აქ, ამ რევოლუციონურ ცენტრში, მხადდება კომერციული შეთანხმებები, აქედან იკვეთავენ საქონელს, აქ იძლევიან საკომისიოს; კურტაჟს და ყოველნაირ ქრთამს, რომელიც თან ახლავს საბჭოთა ყოველგვარ კომერციულ ოპერაციებს. გერმანიაში, ინგლისში და ბევრმა სხვა ქვეყანამ უკვე იციან ახლა ცოტა რამე ყოველივე ამის შესახებ. რიგი ჩვენზეა.

უცხო სახელმწიფოთა და ნაციათა ლიგის დამოუკიდებულება.

ბოლშევიკურ საშიშროებას დღეს არავინ უარყოფს და ყოველგან ლიგებიც კი არსდება მის წინააღმდეგ საბრძოლველათ; ხოლო მთავრობებს აკლიათ გამბედაობა საჯაროთ დაგმონ ბოლშევიზმი. მის მაგიერ რომ რადიკალური ზომები მიიღონ მის წინააღმდეგ და საბჭოთა ხელისუფლებასთან გასწყვიტონ ყოველგვარი დამოკიდებულება, მთავრობები მოლაპარაკებას აწარმოებენ ბოლშევიკებთან და თუ რაიმე ზომებს იღებენ, მხოლოდ პალლიატივურს.

შრომის ინტერნაციონალურ ბიურომ უარყო მიმართვა, რომელიც მას გაუგზავნეს როგორც პროტესტი რუსეთში შემოღებულ იძულებითი შრომის წინააღმდეგ, რაც დემპინგს ასულდგმულებს.

ლორდმა სესილმა ნაციათა ლიგაში ილაპარაკა მონობის წინააღმდეგ, რომელსაც კიდევ აქვს ადგილი ქვეყანაზე, მაგრამ არც ერთი სიტყვით მოუხსენებია ის ასეული ათასები ადამიანთა, რომელთა მდგომარეობა რუსეთის კატორღებში ვაცილებით უარესია, ვიდრე მონების.



ლიტინგის შესწავლა გამბედაობა ენეგის არე-
 ლაგის წინაშე, რომელსაც საბჭოთა გაზეთები მუ-
 დამ აგინებენ, წარმოედგინა ეკონომიურ თავდაუსხმე-
 ლობის პაკტი შედგენილი იმნაირათ, რომ საბჭოთა
 სახელმწიფოს შესძლებოდა დემპინგის პოლიტიკის
 გაგრძელება, ხოლო სხვა სახელმწიფოებს ამის წინა-
 დმდე ბრძოლის საშვალეობა წართმეოდათ. ნაციათა
 ლიგა დლატობს თავის მოვალეობას, როცა თავის
 კომისიების სხდომებზე უშვებს ისეთ ქვეყნის წარ-
 მომადგენლებს, რომელნიც მიზნათ ისახავენ ძირი
 გამოუთხარონ თვით იმ პრინციპებს, რომელნიცა
 ნაციათა ლიგა არის აგებული. ზოგიერთ ქვეყნის წა-
 რმომადგენელთა პოზიცია კიდევ უფრო გასაკვირია..
 ეკონომიურ საკითხის კომისიამ სისუსტე გამოიჩინა,
 როცა მხარი დაუჭირა კომიტეტის დაარსების სა-
 კითხს საბჭოთა წინადადების შესასწავლად. ერთად
 ერთს შევიცარის წარმომადგენელს ჰქონდა გამბე-
 დაობა ხმა მალა ეთქვა, რომ იმ მომენტრიდან, როცა
 საბჭოები მოიწვიეს ნაციათა ლიგაში მოსალაპარა-
 კებლად, ეკონომიურ კრიზისის განვლება, სახელ-
 დობრ ვეროპის საბაჟო კავშირის შექმნით, შეუძ-
 ლებელი შეიქნაო. ეს პრილობის გადრმავებას მოას-
 წავებდა. და მართლაც, თვითონ ბლოშევიკებმა არ
 შეიტანეს არევ-დარევა მსოფლიო ეკონომიურ ცხ-
 ვრებაში? საკუთარი ქვეყანა კომუნიზმის ქაოსში გა-
 ხვიეს, განათლებულ სახელმწიფოების ერთის მეო-
 რეზე გადაკიდებას ცდილობენ. დამორიტეს მრავალი
 წყარო საერთაშორისო ვაჭრობის და ხალხის მილი-
 ონები მოსწყვიტეს ისეთ ბაზრებს, სადაც საქონელი
 მიდიოდა და მუშა ხელი სამუშაოს პოულობდა.

ზოგი მთავრობა კიდევ ოცნებობს, რომ სა-
 ბჭოები იძულებული გახდებიან შესცვალონ თავისი
 სისტემა და მოწინააღმდეგეთა მეთოდები გაი-
 ნიარონ; ამ აზრის დასამტკიცებლათ ახლა სტალი-
 ნის მიერ 23 ივლისს მოსკოვში წარმოთქმულ სიტ-
 ყვას ემყარებიან. მაგრამ თუ ამ სიტყვას ახლო გავე-
 ცნობით, ჩვენ დავინახავთ, რომ უპირველეს ყოვლი-
 სა სტალინი არ მალავს იმ სერიოზულ სიძნელებებს,
 რაც ხუთწლიან გეგმის განხორციელებას წინ აღემა-
 რთა და შემდეგ სრულიადაც არ უარყოფს კომუნის-
 ტურ მეთოდებს. იგი მომხრეა მუშების კოლხობე-
 ბის საშვალეობით სამუშაოში ჩაბმის, ესე იგი, სხვა-
 ნაირათ რომ ვსთქვათ, მომხრეა იძულებითი შრომის
 რეჟიმის გაძლიერების; იგი აღიარებს პროლეტარი-
 ატის ცუდ მდგომარეობას და ზოგადათ მომხრეა მა-

თი ხელფასის გაუმჯობესების, აგრედვე ტექნიკოსე-
 ბისაც; მაგრამ ამასთანავე იგი მოლოდინშია ისეთ
 სპეციალისტების შექმნის, რომელნიც მუშათა კლა-
 სის პოლიტიკას შეითვისებენ, ესე იგი შეითვისებენ
 პოლიტიკას კომუნისტური პარტიისას; ესე იგი ზრუ-
 ნავს ბლოშევიკურ კადრების შევსებისთვის. რათა
 შემდეგში თავიდან მოცილოს ის სხვა ტექნიკოსე-
 ბი, რომელთაც ახლა იძულებული არიან მიმართონ.
 სტალინს ერთი სიტყვაც არ წამოცდენია არც საგა-
 რეო ვაჭრობის თავისუფლების შესახებ, არც ვაჭრო-
 ბის მონოპოლიების და იძულებითი შრომის სისტე-
 მის გაუქმების შესახებ. ცხადია, იგი სავესებით რჩება
 საბჭოების ეკონომიურ და პოლიტიკურ ბრძოლის
 ნიდავზე, რომლის ერთ-ერთ საშვალეობათ არის მი-
 ჩნეული დემპინგიც.

დასკვნა.

უკეთესი იქნებოდა საფრანგეთს სრულებით
 რომ არ დაეწყო საბჭოებთან მოლაპარაკება. არც
 ერთ დამოზობას, რაც კი მას დღემდის საბჭოების-
 თვის გაუკეთებია და კერძოთ მათთან დიპლომატუ-
 რი დამოკიდეულების აღდგენას, არავითარი სარგე-
 ბლობა საფრანგეთისთვის არ მოუტანია, გარდა ზა-
 რალისა.

არ უნდა შეხედოს საფრანგეთმა თვალში ამ სი-
 ნამდვილეს, არ უნდა შეიგნოს ის საშიშროება, რომ
 მელიც უქადის მთელ კაცობრიობას, არ უნდა დარ-
 ჩეს იგი, როგორც მუდამ, ერთგული დამცველი უფ-
 ლების, სამართლიანობის და თავისუფლების, რო-
 ცა ყოველ მხრიდან იმედით შესცქერიან მას, რო-
 გორც დაძაბუნებულ კაცობრიობის დამცველს? მას.
 ძლიერს მხედრობით, ძლიერს კრედიტით, ძლიერს
 მშვიდობიანობის სულისცვეთებით, რაც ასულდგმუ-
 ლებს ყველა მის შვილს გამოუკლებლივ, მას ეკუთ-
 ვნის ინიციატივა. დემპინგი მხოლოდ ერთი ეპიზო-
 დია იმ შეურიგებელ ბრძოლის, რომელიც ორ ხე-
 ლისუფლებას შორის სწარმოებს. შეუძლებელია მი-
 ზნის მიღწევა, თუ არა კომუნიზმის ყველა მოწინაა-
 დგეთა საღვთო კავშირით.

ამ კავშირის განხორციელება მხოლოდ საფრან-
 გეთს შეუძლია. და როცა იგი შეიგნებს მის ასეთ და-
 ნიშნულებას, მან უნდა მოუწოდოს მთელს მის გენი-
 ას, ყველა ძალეებს ერისას. ჯერ კიდევ დროა ეკონო-
 მიურ და ფინანსურ ზომებით ბოლო მოეღოს ბოლ-
 შევიზს. გვეზინია, ხვალ ეს დავიანებულდი არ დარ-
 ჩეს.

საქართველოს ისტორიის მოკლე მიმოხილვა

მონღოლთა ახალი შემოსევა თემურ ლენგის მეთაურობით.

საქართველოს დამშვიდებული ცხოვრება არც
 ამ შემთხვევაში ყოფილა ხანგრძლივი. მეთოთხმეტე
 საუკუნის უკანასკნელ მეოთხედში ჩვენს ქვეყანას, იმ
 გვარადვე როგორც დანარჩენს მაჰმანდელს აღმოსავ-
 ლეთს, მრისხანე თემურ-ლენგის მეთაურობით კვლავ
 მონღოლები ეწვივნენ, მხოლოდ ესლა კი უკვე ვითა-
 რცა მაჰმადიანნი. თუ წინათ მონღოლები წარმათნი

იყვნენ და მათთვის სარწმუნოებრივს განსხვავებას
 არავითარი მნიშვნელობა არა ჰქონდა, თავიანთ სარ-
 წმუნოების გავრცელება ფიქრადაც არ მოსვლიათ.
 ესლა ისინი, როგორც ახლად მოქცეულს შეეფერება,
 მებრძოდ მოშურნეობას იჩენდენ და ხმლითა და
 იძულებით ცდილობდენ დამორჩილებულ ერთთა შო-
 რის ისლამის გავრცელებას. ამ გვარად იმ საშინელს
 ხოცვა-გლეჯას და ქვეყნის აოხრებას, რომელიც მო-
 ნღოლთა პირველს შემოსევასა და ბატონობის ხანას

თან სდევდა, ესლა სარწმუნოებრივი მძულვარება და დევნილობა ზედ დაერთო. ადვილი წარმოსადგენია რამდენად წინანდელზე უფრო სამინელი და გამანადგურებელი უნდა ყოფილიყო თემურ-ლენგის შემოხვევა.

როცა თემურმა სპარსეთიც ხელში ჩაიგდო და დაიმორჩილა, ახლა საქართველოს დაპყრობისათვის სამხადისს შეუდგა. 1386 წელს იგი რჩეულ ნაცადი ჯარით უეცრივ ყარაბაღიდან საქართველოს დიდქალაქს ტფილისს მიაღწია, სადაც თვით მეფე ბაგრატს იმყოფებოდა.

ქართველთა მეფე და თავგანწირულ ბრძოლის დამიუხედავად თემურ ლენგმა ისე შეაწუხა ტფილისის ციხეში მყოფნი მეომარნი და თვით მეფეც, რომ გამარჯვების იმედი გადაწყვეტილი იყო. ამიტომ ბაგრატ მეფე იძულებული შეიქნა მონღოლთაგან თავისთვის უვნებლობის ფიცი ეთხოვა და ტფილისის ციხე და ქალაქი მათთვის დაენებებინა. თემურმა მეფე ბაგრატს დიდის პატივისცემით მიიღო, მაგრამ, როცა აიყარა და ყარაბაღში დაბრუნდა, ისიც თან წაიყვანა. შემდეგ თემურლენგმა თავისი ჯარი კახეთის ასახრებლად გაგზავნა. საქართველოს მეფე ყაენს დატყვევებულივით ჰყავდა და ძალა აღწინადა რომ ქრისტიანობა უარყყო და გამაჰმადიანებულიყო. მეფე დიდი წინამძღვრების შემდეგ დაეთანხმა გარეგნულად და ასე უთხრა: მსურს, ჩემმა ქვეყანამაც თქვენი რჯული მიიღოსო, გამატანე ჯარი და მთელს საქართველოს გავამაჰმადიანებო. თემურმა მოუწონა ასეთი განზრახვა და 12.000 საუკეთესო ჯარისკაცით საქართველოში გაგზავნა. ბაგრატმა საიდუმლოთ თავის შვილს გიორგის აცნობა, ამდენი და ამდენი ჯარით მოვდივარ, დამხვდით მომხადებელი და ჩვენს მტრებზე შური ვიძიოთო. გიორგი მართლაც დახვდა მამას ჩასაფრებულნი წინასწარ არჩეულ ადგილას, მონღოლები სასტიკად დამარცხდნენ და არც ერთი მათგანი ცოცხალი არ გადაარჩინილა.

თემურლენგი თავრიზში იყო რომ 1398 წ. ამბავი მოუტანეს ქართველები თავის ჯარითურთ ნახუევანს მოუხდნენ და ციხე აიღეს და მთელი არევის გაღმართი დაიჭირესო. ყაენმა ეს მოქმედება საქართველოს ისეთ კანდიერებათ ჩამოართვა, რომელიც მის უშიშროებასა და ქედმოუხრებლობას მოასწავებდა. ამიტომ მან განარისხებულმა ქართველთა მკაცრი დასჯა გადასწყვიტა. სავანებოდ შერჩეულ ლაშქრითურთ ის 1399 წ. საქართველოს მეორედ და ხოლო 1401 წ. მესამედ შეესია, სამხედრო მოქმედებას თემური 1401 და 1402 წ.წ. შიაც აწარმოებდა. ქვემო ქართლი, მესხეთი, დასავლეთი საქართველო ამხანეთითურთ უუკიდურეს ჩრდილოეთის სამზღვრამდის მონღოლთა თარეშისა და სამხედრო მოქმედების ასპარეზად იქცა. არცერთ ქვეყანაში არ შეხვედრია თემურს ისეთი წინამძღვრება როგორიც საქართველოში. თავგანდობილი მამაცური ბრძოლა იყო ორთავეს მხრით. დაუნდობელნი იყვნენ მონღოლნი ყოველთვის, როდესაც მათ მეფეარ წინამძღვრებას უწყევდნენ. ქართველები იძულებული იყვნენ გელაქუნი, ანისი და სხვა ციხე-ქალაქები დაეცალათ. ვერავითარი სიმაგრე, თვით მიუდგომელად მიჩნეულიც კი,

მონღოლთა ლაშქარს ხანგრძლივ წინამძღვრებას ვერ უწყევდა; ყოველგვარ საბრძოლველ მანქანებითა და იარაღებით ცდილობდნენ ისინი თავიანთ მიზნის მიღწევას. ამისათვის თემურლენგი არავითარ მსხვერპლს არ ერიდებოდა. როდესაც ქართველები უკვე ციხეებში ველარ უმაგრდებოდნენ, გამოქვაბულებში შეეფარნენ და იქიდგან განაგრძობდნენ თავგანწირულს ბრძოლას. მაშინ ყაენმა კლდეებზე ზევიდგან საბლებით კალათები ჩამოაშვებინა და შიგ თავის ჯარისკაცები ჩასხა. ქართველ და მონღოლთა მეომარნი ასეთ პირობებშიაც განუწყვეტელივ ებრძოდნენ ერთმანეთს. ქართველები ხმლებით სჭრიდნენ საბლებს და კალათები მონღოლთა ჯარისკაცებითურთ უფსკრულში ცვივოდნენ და ილუპებოდნენ. თავის მხრივ მონღოლები ისრების წვერზე ძველ ჩვრებს ახვევდნენ, შემდეგ ნავთს ასხამდნენ და ცეცხლმოკიდებულს გამოქვაბულებში ესროდნენ ქართველებს, რომ ან მათთვის ცეცხლი მოედოთ და დაეწვათ. ან არა და კვამლით დაეხრათ. სწორედ ასეც მოხდა. შეუბრალებელნი იყვნენ თემურლენგის ჯარისკაცნი მაშინაც კი, როდესაც ღონისძილი მოპირდაპირე იარაღსა ჰყრიდა და თავისით ნებდებოდა ხოლმე, დანდობა არ იცოდნენ და ყველას ხოცავდნენ. ახრდა და განადგურდა მთელი საქართველო: სხვაფრივ ნაწილობრივ დაზიანების გარდა 700 სოფელი და ქალაქი მთლად მიწასთან იყო გასწორებული. არ დარჩენილა არც ერთი შესანიშნავი ქართული ეკლესია საქართველოს შუაგულში, რომ თემურს არ დაენგრევიანო. თვით დიდებული სვეტი ცხოველი საქართველოს ეკლესიისმწყემსთაგანს, კათოლიკოს-პატრიარქის საყდარიც, ვერ გადაურჩა ამ ხვედრს. ადვილი წარმოსადგენია, რამოდენი ხალხი უნდა დაეკარგა ქართველობას ამ სამინელს, უსწორო ბრძოლაში.

მიუხედავად მრავალჯნის შემოსევისა და ხანგრძლივი ბრძოლებისა თემურმა საქართველო საბოლოოდ ვერ დაიმორჩილა და ვერ დაიმკვიდრა და სიკვდილის წინ (+1405) მწარედ წარმოსთქვა: «მთელი აზია დავიმორჩილე, საქართველოს გარდა. ჩემი სიძლიერე საქართველოს შევალე და ჩემის გუნებისად ვერ დავიმორჩილე, საყმოდ თავი ვერ დავადებინე».

მისი გარდაცვალების შემდეგ საქართველო მალე სრულიად გაიწმინდა მონღოლთა ჯარებისაგან. მაგრამ ძვირად დაუჯდა ქართველ ხალხს თემურ ლენგის შემოსევები. ქვეყანა ეკონომიურად დაეცა. მცხოვრებთა რიცხვი ძალზე შემცირდა, ხნეობა გაიხრწნა. დაიღუპა ქართული კულტურის და შემოქმედების საუკეთესო ნაშთები. განსაკუთრებით სამიძიმო კი იყო, რომ მოიშალა სახელმწიფოებრივი აპარატი, შესუსტდა ცენტრალური მართებლობა და ცალცალკე კუთხეებმა დაიწყეს განდგომა, დამოუკიდებელი ცხოვრების მოწყობა და საკუთარი პოლიტიკის წარმოება.

ჯერ კიდევ მთლად არ იყო გამქრალი ერთობის შეგნება და ისეთი ნიჭიერი მეფეების ხელმძღვანელობით, როგორიც იყვნენ ალექსანდრე I და კონსტანტინე მეთუხმეტე საუკუნეში, საქართველომ კვლავ

შესძლო თავის მთლიანობის აღდგენა თუმცა დროებით, და დიდი მუშაობა იქნა გაწეული აზრებულის ქვეყნის ციხე-სიმაგრეების განსაახლებლად, დარბეული ხალხის კვლავ დასასახლებლად და მშენებლობის განსაცხვევლად. თითქოს გამოჩნდა იმედი წელში გამართვის, ძლიერების აღდგენის და წინანდელი წარმატების დაბრუნების.

სამწუხაროდ ვიდრე ეს გამთვლება შესრულდებოდა, ქვეყანა განიკუთრებოდა მრავალ ქრილობისაგან და დაძლევდა ყველა დაბრკოლებას, მის საზღვრებს სამხრეთ აღმოსავლეთით და სამხრეთ დასავლეთით მოუახლოვდნენ ორი დიდი და ძლიერი იმპერია სპარსეთი და ოსმალეთი, რომელთაც მალე დაიწყეს თავდასხმები საქართველოზე. ოსმალეთმა კონსტანტინეპოლის, საერთოდ ბიზანტიის დაპყრობით და მერე შავი ზღვის ჩრდილოეთ ნაპირების დაკავებით სრულებით შეუკრა საქართველოს გზა ევროპისკენ. მეორეს მხრით შავმა ზღვამ და საქართველომ დაპყროვეს მნიშვნელობა, როგორც ინდოეთსა და საერთოდ აზიასთან შემეერთებელმა გზამ, ესლა მიმოსვლის ცენტრი სხვაგან, სამხრეთით იქნა გადატანილი და ამ გარემოებამ უაღრესი გავლენა მოახდინა საქართველოს მდგომარეობაზე. ამავე დროს მოხდა სპარსეთის აღორძინება, ის გადაიქცა დიდ იმპერიად და დაიწყო თავის საზღვრების გაფართოვება და მეზობელ სახელმწიფოების დაპყრობა.

ამ ახალი საშინელი ხიფათის წინაშე საქართველო წარსდგა დანაწილებული. მისი მიწა-წყალი იმ დროს—მე-16 საუკ. დასაწყისში—კიდევ საკმაო ფართო ტერიტორიას წარმოადგენდა: იწყებოდა შავი ზღვიდან რიზესა და ტრაპიზონს შუა, გივილია და დაბლა აზრუმთან. შეიცავდა ყარსს, უახლოვდებოდა გუმბრს (ალექსანდროპოლს), მერე გაყვებოდა მტკვარს, ნუხასთან მიებჯინებოდა კავკასიის ქედს და მის გაყოლებით თავდებოდა ჩრდილოეთ დასავლეთით შავ ზღვაზე სოქის ზევით.

ხოლო ეს ტერიტორია დაყოფილი იყო ოთხ სახელმწიფოებრივ ერთეულად: ქართლის სამეფო, კახეთის სამეფო, რომლის ფარგალში შედიოდა დაღესტნის მომიჯნავე ადგილებიც და რომლის დედაქალაქი იყო ზაგენი (ყარაღაჯი), იმერეთის სამეფო, რომელიც შეიცავდა მთელ დასავლეთ საქართველოს ჯიქეთით, აფხაზეთით, სამეგრელოთი, გურიით და დიდი ომის წინანდელ ბათომის ოლქით და რომლის დედა ქალაქი იყო ქუთაისი, და სამცხე სათაბაგო, რომელიც შეიცავდა სამხრეთ-დასავლეთ ნაწილს.

ამასთან ერთად ეკლესიაც, რომელიც ყოველთვის საქართველოს მთლიანობას ემსახურებოდა, ორად გაიყო: ქართლის კათალიკოსი განაგებდა ქართლ-კახეთს და სამცხის ეკლესიას და აფხაზეთის კათალიკოსი (ბიჰვინტაში) დანარჩენ საქართველოს.

რას სწავინ ბოლშევიკებზე

ვენაში ამას წინათ გამოვიდა წიგნი სახელად «სტალინი და კომპ.», რომელიც ეკუთვნის ევროპის გაერთიანების ცნობილ მოსარჩლეს კოდენგოვეკალერგის. წლების განმავლობაში—გკითხულობთ წიგნში— ფიქრობდნენ, რომ ბოლშევიზმი კვდებოდა. მაგრამ იგი ცოცხლობს და ყვავის. დღეს მოდაშია ლაპარაკი ევროპის ცივილიზაციის გაკოტრებაზე. ხოლო ევროპა დასძლევს დღევანდელ კრიზისს თუ მას თავისთავის რწმენა აქვს და მზადია იბრძოდეს თავის არსებობისათვის. კაპიტალიზმს არ შეუგნა თავის განსაცდელი, თორემ მხარს არ დაუჭერდა დაუძინებელს მტერს ბოლშევიზმს კრედიტებით, შეკვეთებით და სხ. ბეცია სოციალიზმიც, რომლის ზოგი მეთაური ფიქრობს, რომ შესაძლებელია მესამე და მეორე ინტერნაციონალების გაერთიანება. მათ არ ესმით, რომ კომუნისმის პირველი მსხვერპლი სოციალიზმი იქნებოდა. ლიბერალიზმი და კონსერვატიზმი უძღურნი არიან და მოკლებულნი იდეას. მხოლოდ ევროპის ძლიერ განმათავისუფლებელ მოძრაობას შეუძლია ევროპიულ ცივილიზაციის ტრადიციების დაცვა. ევროპის გაერთიანების იდეას უაღრესი მნიშვნელობა აქვს ბოლშევიკური საფრხეს წინამდევ.

კუდენგოვეკალერგი ამტკიცებს, რომ დღევანდელს ბოლშევიზმს არაფერი აქვს საერთო არც მარქსიზმთან, არც კომუნისმთან. ევროპაში დღედის მოვლიან, რომ რუსეთში კონტრრევოლუცია მოხდებდა. ხოლო ნამდვილად ეს კონტრრევოლუცია დიდი ხანია დაწყებულია და მისი ნაპოლეონი არის სტალინი. ეს «მთავარი დირექტორი სახელმწიფო კაპიტალიზმისა». ბრძოლა ტროცკისა და სტალინს შორის იყო ბრძოლა რევოლუციასა და კონტრრევოლუციას შორის. გაიმარჯვა სტალინი. მთელი ქვეყნის კომუნისტებს ჰგონიათ, რომ სუთ წლიანი გეგმის განხორციელება მოასწავებს კომუნისმის გამარჯვებას კაპიტალიზმზე. ნამდვილად პირიქით ეს იქნება კაპიტალიზმის გამარჯვება კომუნისმზე. საბჭოთა კავშირის ყველა მოქალაქე ერთსა და იმავე დროს მოსამსახურეცაა და აქციონერც სახელმწიფოს გიგანტურ ტრესტის, ხოლო ეს ტრესტი დივიდენდს არ იძლევა. მეტიც: მოსამსახურენი იძულებულნი არიან თავის შრომის ქირის ნაწილი ტრესტის კასაში შეიტანონ. ის დახმარება, რომელსაც უმუშევარი გერმანიაში იღებს, გაცილებით უფრო დიდია, ვიდრე საბჭოთა მუშის ხელფასი. სტალინი დღეს უდიდესი კაცია დედამაწაზე: იგი კომუნისტური ეკლესიის პაპიცაა, მეფეც და საბჭოთა ტრესტის დირექტორიც.

ცნობილი გერმანელი პუბლიცისტი კლეინოვი ენება საყურადღებო საგანს გერმანიის ორიენტაციის შესახებ და ამტკიცებს, რომ ეს ორიენტაცია არ უნდა იყოს არც აღმოსავლეთისკენ (მოსკოვისკენ) არც დასავლეთისკენ, არამედ გერმანიას უნდა ჰქონდეს საკუთარი თავის ორიენტაცია. კერძოდ არკვევს



რუსეთ-გერმანიის დაახლოვებას და იმას დასკვნის, რომ საბჭოებთან დაახლოვებამ გერმანიას არაფერი მოუტანა. «რაპალოს ხელშეკრულების შემდეგ — სწორს კლინოვი — საბჭოთა მთავრობას არ გადაუდგამს ერთი ნაბიჯი, რომ დახმარებოდა გერმანიას მძიმე მდგომარეობიდან გამოსასვლელად. შემთხვევის საერთო გამოსვლებს განიარაღების საკითხში არაფერი მნიშვნელობა არა აქვს. პირიქით ბოლშევიკური ხელისუფლება სარგებლობდა ყოველ ვარემოებას, რომ თავის ეკონომიურ წომეხით, პოლიტიკურ პროპაგანდით და სამრეწველო შპიონაჟით დაეუძღურებინა გერმანია. წელს მიცემული შეკვეთილები ისეთი პირობით იყო, რომ მათი მიღება არ შეეძლო არც ერთს სახელმწიფოს, ხოლო ამ ყამად, როცა თავს ესხმიან გერმანიის ვალიუტას, მოსკოვში მარტო იმას ფიქრობენ, თუ როგორ შეუწყონ ხელი ცენტრალურ ევროპის გარეყოფილუციონერებას»

კლინოვი სხვათა შორის ეხება ინტერვენციას ბოლშევიკების წინამდევ და გადაჭრით გმობს მას. ხოლო თან დასძენს: «მე ამით იმის თქმა არ მინდა, რომ ასეთი შეხედულება სამუდამოთ უცვლელი დარჩება. თუ ბოლშევიკები ასე გააგრძელებენ მათ მიერ დამონებული ერების უფლების ჩაგვრას და წინააღმდეგობიან კვლავ კაცობრიობის მისწრაფებას კეთილდღეობისა და მშვიდობიანობისაკენ, მაშინ შეიძლება სრულიად შეიცვალოს მდგომარეობა».

ბოლშევიკების გერმანელი მეგობრები სულ იმას გაყვირიან, რომ საბჭოები დღეს დიდ ეკონომიურ დახმარებას უწევენ გერმანიას. მათ საპასუხოთ გერ. სოც. დემოკრატიულ «ფორვერტს» მოყავს სათანადო ციფრები, საიდანაც ნათლად სჩანს, რომ უკანასკნელ ექვსი წლის განმავლობაში გერმანიას უფრო მეტი უყიდია რუსეთისაგან, ვიდრე მიუყიდია მისთვის. ვარდა ამისა უნდა აღინიშნოს, რომ ბოლშევიკების შეკვეთებმა გასულ წელს ძლივს მიადწინეს იმ დონეს, რომელიც არსებობდა 1909 წელს. რუსეთ-გერმანიის სავაჭრო ურთიერთობას ახასითებს ის, რომ დღეს რუსეთი ყიდულობს გერმანიაში ნაკლებს, ვიდრე ომამდე და რასაც ყიდულობს, ყიდულობს გრძელვადიანი სესხით. გაზეთი თავას წერილს ასე ათავებს: «გერმანიის საერთო ექსპორტში საბჭოებს უკავიათ მეთორმეტე ადგილი, ინგლისმა იყიდა 1930 წ. გერმანიაში საქონელი სამჯერ მეტი, ვიდრე რუსეთმა. ასევე სამჯერ მეტივე იყიდა პატაპოლანდიაში. და ნუ თუ ამის გამო ვინმე უნდა გამოვიდეს და შეაქოს პოლანდიელები, რომ ისინი არაჩვეულებრივი ხალხია, როგორც ამას სჩადიან ჩვენი კომუნისტები და მოკომუნისტე ელემენტები საბჭოთა შესახებ?»

მიუხედავად იმისა, რომ ევროპიულ პრესაში ხშირად შეხვედებით ბოლშევიზმის საღსა და სწორს შეფასებას, მაინც უნდა ითქვას, რომ ჯერ კიდევ მრავალია პოლიტიკურ თუ ყურნალისტურ მოღვაწეთა შორის, რომლებიც ან სრულებით ინდიფერენტულად უყურებენ ბოლშევიკურ მოძრაობას

ან თანაუგრძობენ და ქომაგობენ კიდევ აშკარად თუ ფარულად. უნდა ითქვას სამწუხაროთ, რომ ბოლშევიკებს ბევრი ჰყავთ დამცველი მემარცხნე წრეებში, განსაკუთრებით უკანასკნელ დროს კიდევ უფრო დაეტყუოთ მათ გადახრა ბოლშევიკებისაკენ. სოც. ინტერნაციონალის ზოგერთი ლიდერი, წინაღობა რომ გაბედულად ებრძოდა კომუნისტებს, დღეს მასთან მორიგებას მოითხოვს. ოტო ბაუერი შეეცადა კიდევ გაემართლებინა ბოლშევიკური მეთოდი და ისიც კი სთქვა, ჩვენც შეიძლება მივმართოთ მას, თუ ბურჟუაზიამ გვაიძულაო. გერმანიის სოც. დემოკრატიას მოწყდა ერთი ფრთა, თუმცა მცირედი, რომელიც მეტად მოკომუნისტებს. ინგლისის მუშათა პარტიაშიც გაჩნდნენ ასეთები. საფრანგეთის სოციალისტების უმრავლესობა, თუმცა ფორმალურად განაგრძობს ბრძოლას ბოლშევიკებთან, მაგრამ არ სებითად ძლიერ უახლოვდება მას თავის რწმენით და მიმართულებით.

დიდი სოციალისტური მოაზროვნის და მოღვაწის კაუტსის შეხედულებას, რომ ბოლშევიზმი უდიდესი რეაქციაა და მას უნდა ვებრძოლოთ ყოველი დონით — ამ შეხედულებას, მისი ამხანაგების ჯმრავლესობა ჯერ კიდევ არ იზიარებს. მაგრამ ანტიკომუნისტური სოციალისტებიც საკმაოთ ძლიერნი არიან და მდგარ ბრძოლას აწარმოებენ. ასეთია სხვათა შორის, ფრანგული სოც. «ლა ვი სოც.», რომელიც ამა წინად შეეცა საფრანგეთის მომავალ საპარლამენტო არჩევნებს და კატეგორიულათ მორითხოვს, რომ არჩევნებმის დროს სოციალისტები დაუზოგავთ უნდა გამოვიდნენ კომუნისტების წინამდევ. რომლებიც არიან უკიდურესი დამცველნი რეაქციის და რომლებიც ყოველ თავის მოქმედებით მხოლოდ იმის ცდაში არიან, რომ რეაქცია გაბატონდეს საფრანგეთში.

შვილი ვკადიდას

აქაური პრესა ფართოთ გამოჩენაურა საქართველოში ამ ყამად დატრიალებულ ამბებს. მთელმარტო სოც. და დემოკრატიულმა გაზეთებმა და მთავრობის ორგანოებმა მოათავსეს აჯანყების ამბები საქართველოში და საერთოთ კავკასიაში, სომხეთში და ადრეებიჯანში. დავასახელებთ უმთავრეს მათგანს. «პრაგო ლიდუმი» ცენტრ. ორგანო ჩეხოსლოვაკ. სოც. დემოკრ. პარტიისა — მოათავსა ცნობები სათაურით — «დახვრეტა ქართველ რევოლიუციონერებისა», «ნაროდნი პოლიტიკა» — უპარტიო. დემოკრატი. ორგანო, მილიონი ტირიყით — «ქათული პრეს. ბიურო გვატყობინებს აჯანყებას საბჭოების წინამდევ». «ლიდოვი ლისტი» — ცენტრალური ორგანო კათოლიკური პარტიისა — ბოლშევიკებს უნდათ მასიური ხვრეტით გასტყვნენ საქართველოს განმათავისუფლებელი მოძრაობა. «ნაროდნი ლისტი» — ცენტრალური ორგანო ეროვნულ დემოკრატიული პარტიისა — სამოთხე საბჭოთა საქართველოში და სომხეთში. ყველა ამ გაზეთებმა აღნიშნეს, რომ დახვრეტილთა სია და მასიურათ გადასახლებუ-



ლთა იმყოფება პრადის ქართველთა კოლონი-
ში, გადმოგზივლია ის პარიზიდან ქართველების
წარმომადგენლებისაგან. აღნიშნეს აგრეთვე საქარ-
თველოს მინისტრის რამიშვილის მკვლელის ქონე-
რის გადაწვა და განადგურება. «ჩვენ ცნობებს კომენ-
ტარები არ სჭირია, აი როგორ ცხოვრობს საბ-
ქოთა კავშირში ხალხი და მუშათა კლასი»—თავ
დება გაზეთებში მოთავსებული ცნობები. ადგილო-
ბრივმა პოლიტიკურმა და მისმა ცენტრალურმა
ორგანომ დაიგუბეს პირში წყალი და არც ერთი
სტრიქონი არ მოუთავსებიათ ამ ცნობების უარ-
საყოფათ. ამათ ჯერ მოსკოვიდან არავითარი დირექ-
ტია არ აქვთ.

ჩეხოსლოვაკიის სოც. დემოკრ. პარტიამ გასულ
აგვისტოში იდღესასწაულა 60 წლის თავი მისი
ერთ-ერთი ბელადის, დღევანდელი სენატის თავ-
მჯდომარის დრ. ფრ. სოუკუპის. ამ იუბილეს გა-
მოეხმარა როგორც მთელი სოციალისტური ინ-
ტერნაციონალი დაწყებული კარლ კაუცკიდან, ისე
მთელი დემოკრატია ჩეხოსლოვაკიის დაწყებული
პრეზიდენტი მასარიკიდან, გათავებული ქარხნის
უბრალო მუშით ან რკინის გზის დარაჯით. რესპუბ-
ლიკის მთელ რიგ ქალაქებში გაიმართა საზეიმო
კრებები იუბილიარის თანადასწრებით. აღნიშნა
ვრცლათ და დაფასდა სოუკუპის 40 წლის მოღვაწეო-
ბა ჩეხოსლოვაკიისათვის და მისი თითქმის 30 წლის
შეუწყვეტელი მუშაობა სოციალისტურ ინტერნა-
ციონალში...

სოუკუპი იზიარებს მასარიკის პროგრამას და
მთელი პარტია ომის განმავლობაში თანდათან
სდგება მასარიკის თვალსაზრისზე და მის გარშემო
იყრის თავს, როგორც შინ, ისე სახლვარგათ
ლევინების სახით. შედეგი ვიცი—დამოუკიდებე-
ლი ჩეხოსლოვაკია, ერთი ყველაზე უფრო დემოკრა-
ტიული და სტაბილური სახელმწიფოა დღეს ევრო-
პაში, მასარიკი მისი პრეზიდენტი, სოუკუპი სენა-
ტის თავმჯდომარე და უკანასკნელ კონგრესის შე-
მდეგ ვენაში ეს—ერთ დროს შოვინისტთა მონათლუ-
ლი სოციალისტი—ეკუეუტის ბიუროს წევრათაც
იქნა არჩეული.

ჩვენი ქვეყნის დაპყრობის შემდეგ, სოუკუპი ეც-
ნობა საფუძვლიანათ საქართველოს დღევანდელ ვი-
თარებას, დგება გადაჭრით დაპყრობილი პატარა
ერის მხარეზე. ის ეკუთვნის იმ კეთილშობილ მოღ-
ვაწეთა რიცხვს, რომელსაც საქართველოს მოძრაო-
ბაზე და მის მეთაურებზე არ შეუცვლია აზრი, მიუ-
ხედავთ ზოგიერთების ცდისა მიეყენებიათ ვნება
ჩვენი საქმისათვის. ის სრულიად იწონებს ჩვენი გან-
მათავისუფლებელი მოძრაობის საერთო დემოკრა-
ტიულ ფორმებს და სხვანაირი ხასი თქვენი საქმისა-
თვის განწირული იქნებოდა—არა ერთხელ განუც-
ხადებია მას. ერთმა დემოკრატიულმა ფორმტმა
შინ და გარეთ ჩვენ მიგვიყვანა დამოუკიდებლობა-
დისო. სოუკუპი ხშირათ საჯარო კრებებზე თუ კე-
რძო ლაპარაკში მოკლეთ, ორი სიტყვით, პარალე-
ლის მოყვანით აცნობს მსმენელებს, თუ რა ბედ-
შია საქართველო და საით და ან რა ძალებით იბრ-
ძვის ის. საქართველოს დღევანდელი მდგომარეობა,

ამბობს ის—უდრის ჩვენს მდგომარეობას ავსტრია-
ში ომის დროს. ყორდანია—ეს არის ქართველები-
სათვის, რაც ჩვენთვის იყო და არის მასარიკი, მის
გარშემო შემოკრებილია მთელი ქართველი ერი. საქარ-
თველო ეს უმ მგენიერესი და უკულტურესი ქვეყანაა
კავკასიაში და განათავისუფლებდა თუ არა ის, ჩვენ
გვექნება მასთან მჭიდრო კავშირიო, ადგილობრივი
კომ. პოლიტიკურა მას ირონიით უძახის «სპეცს»
ქართულ საკითხში. მართალი იყო ვ. ჩერნოვი, რო-
ცა მან საიუბილეო წერილში დააჩქვა მას ცოცხა-
ლი სინდისი სოციალისტის—და განმარტა: უდიდეს
შთაბეჭდილებას ახდენს ჩემზე სოუკუპის გამოსვლა
და მხარის დაჭერა ქართველების ბრძოლისათვის,
როცა მას ვხედავ ქართველების კრებებზეო. ამი-
ტომ სრულიათ ბუნებრივი იყო, რომ ქართველი
ემიგრანტები პრალაში მთელი არსებით გამოე-
ხმაურენ ამ ჩვენი მეგობრის იუბილეს და აშკარათ,
საჯაროთ უთხრეს მას, თუ როგორია დამოკიდე-
ბულება მისდამი ქართველი მეზობელი ერის.

ჩვენი მთავარ საზეიმო კომისიის სურვილი იყო,
რომ ყველაერის ემიგრანტ მეგობრებისათვის ცალ-
კე დაენიშნა დღე იუბილიარის პატივსაცემათ ქარ-
თველების მეთაურობით და ინიციატივით. ამიტომ
სახეილო კომისიაში მიწვეული იყო ჩვენის მხრით
ემ. ლომთათიძე; გაიმართა ასეთი საღამო ქართველი,
რუსის, უკრაინელის, სომხის და ბელორუსის მეგო-
ბრების მონაწილეობით.

ქართველებიდან პირველათ იუბილიარს სიტყვა
უთხრეს და მიულოცეს ემ. ლომთათიძემ და ინ. ე. უ-
ბირიამ; არ. ემუნგარმა ქართველების სახელით მია-
რთვა მას ძვირფასი ყდიო ალბომი შესაფერი წარწე-
რის წაკითხვით—საქარდველოს დიდ მეგობარს და
სხვ. ექ. ლიდა უბირიამ უძღვნა გობელნი მოქარ-
გული თეთრი გიორგით—ჩვენი გერბით. აქ კი იუ-
ბილიარმა ველარ გაუძლო მოზღვავებულ გრძო-
ბებს, თვალები გაეხსო ცრემლებით, აატრიალა ხელ-
ში მიძღვნილი და იმეორებდა—«საქართველო, მშვე-
ნიერი საქართველო, ჩვენი საქართველო». ზეიმის
დასრულების შემდეგ მისი სამადლობელი სიტყვა
ხომ კიდევ ერთხელ იყო ხაზგასმა მისი სიმპატიის
და ერთგულების ჩვენი ქვეყნის მიმართ. გამოვიდა
საუბილეო აღმანახი რამდენიმე ასეული გვერდი-
საგან შემდგარი, სადაც მოთავსებულა წერილები
სხვადასხვა პარტიების, პოლიტიკური მოღვაწეების
და მისი პირადი მეგობრების. მოთავსებულაა წე-
რილი ემ. ლომთათიძის, რომელიც აღნიშნავს რა
სოუკუპის ბევრ გამოჩენილ და იშვიათ თვისებებს,
ათავებს თავის წერილს შემდეგი სიტყვებით: «ჩვენი
კეთილი მეგობარი ფრ. სოუკუპი არის ამავე დროს
დამარსებელი და თავმჯდომარე «საქართველოს
დაცვის კომიტეტის ჩეხოსლოვაკიაში». დაინგრევა
საბედისწერო კედელი, რომელიც აღმართულია სა-
ქართველოს და ევროპას შორის და ეს საზოგადოება
ითამაშებს უდიდეს როლს დაახლოვებაში და ძმუ-
რი ურთიერთობის შექმნაში ამ ორ დემოკრატიულ
სახელმწიფოს შორის. ეს კი იქნება მუდამ დაკავში-
რებული ჩვენი ძვირფასი მეგობრის დრ. ფრ. სოუ-
კუპის სახელთან».

ქლ.

საქართველოს საკითხი

ნოემბრის უკანასკნელ რიცხვებში პარიზში გაიმართა განიარაღების კონგრესი, რომელსაც ქართველმა და უკრაინელმა დელეგატებმა წარადგინეს დეკლარაცია მათი ქვეყნების ბოლშევიკების მიერ ძალიან დაკავების შესახებ. დეკლარაციას მოვითავსებთ შემდეგ ნომერში.

საქართველოს ამბები

(ეუნანალ-გაზეთებიდან)

ექვსი თვეა თფილისში არსად იზოვება გასაყიდად კბილის ჩოქები.

— აბრეშუმის პარკის დამზადების გეგმა ჩაიშალა ჭიის დაღუპვის გამო. ჭია დაიღუპა მოუვლელობით. ქუთაისში შემოდგომის კვებისათვის ინკუბატორებში მოთავსებული იყო 2010 კოლოფი თესლი, რომლისაგან გამოიჩიკა მხოლოდ 1185 კოლოფი, და დაურიგდა მებაბრეშუმებს. მაგრამ სამი მეოთხედი (850) დაიღუპა ავადმყოფობისაგან, რომლის გამორკვევა ვერ მოხერხდა. გეგმით უნდა დამზადებულიყო 19360 კილოგრამი პარკი, ნამდვილად კი დამზადდა 800 კოლოფი.

— ოქტომბრის 18 ხარკოვის საოპერო თეატრში უკრაინულ ენაზე დადგეს პ. ფალიაშვილის «აბესალომ და ეთერი».

— საქართველოს მუზეუმის ექსპედიციამ სვანეთში აღმოაჩინა 121 ხელნაწერი, რომლებიც ეკუთვნის ძველი ქართული მწერლობის სხვადასხვა პერიოდს. ნაპოვნ ძეგლთა შორის არის მე8-9 საუკუნის პალიმფესტები, რომელთა შორის არის საკანონმდებლო ხასიათის დადგენილებანი სრულიად სვანეთის კრებისა, რომელიც მოწვეული ყოფილა მე 14 ს. მოიპოვებინა აგრეთვე დადგენილებანი და ხელშეკრულებანი ცალკე თემებს შორის და კერძო აქტები, რომლებიც ახასიათებენ სვანეთის ძველი ცხოვრების სხვადასხვა მხარეებს. აღმოჩენილი დოკუმენტები ეკუთვნის მე 13-17 ს. ს. დოკუმენტები შესწავლილ და გადმოღებულ იქნა და მზადდება გამოქვეყნებად. აღმოჩენილ წარწერების შესწავლას და ეპიგრაფიკას უდიდესი მნიშვნელობა აქვს კერძოდ ქართული ხელოვნებისათვის. ამ წარწერების საშვალეობით გამოირკვეა ვინაობა ძველ ქართველ ხელოვანთა, მხატვართა, ოქროს მქანდაკეებლთა და სხ. *)

*) მოგვყავს ეს ცნობა «კომუნისტიდან», მაგრამ ვიჭირობთ რომ ბოლშევიკების აღმოჩენილი საბუთები უკვე აღმოჩენილი იყო ბ. ექ. თაყაიშვილის მიერ და აწერილი, ხოლო არ ყოფილა გამოცემული.

რედაქცია.

წერილი რედაქციის მიმართ

პატივცემულ ბატონო რედაქტორო, უმორჩილესად გთხოვთ დაგვიბეჭდოთ «ტუბერკულოზით ავადმყოფ ქართველთა დამხმარე კომიტეტის» 17 ოქტომბრის საღამოს ანგარიში, რისთვისაც წინასწარ მადლობას მოგახსენებთ.

შემოსავალი:

კერძო პირთა შემოწირულება ფრ.	4.700	
ბილეთები	2.880	
ლოტარია	2.460	
ბუფეტი	4.166	
ვესტიერი	135	14.341

გასავალი:

დარბაზი	1.500	
ორკესტრი და თარი	1.500	
სასმელები	1.205.60	
მაგიდების, სკამ. და ქურჭ. ქირა	601.45	
სანოვაგე, ბილეთების დაბ. და სხ.	2.323.65	7.140.70
წმინდა შემოსავალი	7.200.30	

კომიტეტი განსაკუთრებულს მადლობას უძღვნის ლედი დეტერმინგს მისი უხვი შემოწირულებისა და მონაწილეობისათვის.

აგრეთვე კომიტეტი მადლობას სწირავს შემდეგ პირთ, რომელთაც დახმარება აღმოუჩინეს პირადის შრომით ან შემოწირულებით: კნ. თ. დადიანისა, თ. ბარტონი, ქ. მიცუკი, ლ. შამულიაშვილის ოჯახობა, მ. ლალობერიძე, მ. კემულარია, ე. არდიშვილი-არტიფექსოვისა, ა. ბერიძისა, ე. ანთაძე-პეტრიძე, ნ. ჯაფარიძისა, თ. რუხაძისა, მ. გვარჯალაძე, თ. ჯაფარიძე, გ. და მ. გეგეჭკორი.

ბ. ნინი: ალ. ჯაყელი, გრ. ბერიძე, გ. მაჩაბელი, ლ. ბალანჩივაძე, დ. ფერაძე, მ. კედია, შ. ნიკოლაძე, ა. ერისთავი, ივ. ჯავახიშვილი, კ. ყურული, ი. ჯაფარიძე, გ. მოღებაძე, გ. ერისთავი.

საღამოს მოწყობაში და შემოწირულებათა შეკრებაში დიდი სამსახური მიუძღვის კომიტეტის თავმჯდომარის ამხანაგს თ. ერისთავისას.

კომიტეტი მადლობას უძღვნის მხატვარს ბილანოვილის თვისი ნახატების შემოწირვისა და მუდმივი დახმარებისათვის.

კომიტეტის თავმჯდომ.: ელ. აბსაშისა, მოლარე: ელ. დეკანოზისა.

ტუბერკულოზით ავადმყოფ ქართველთა დამხმარე კომიტეტმა მიიღო ბ-ნ და ქ-ნ აბაშიძეთაგან 500 ფრანკი. კომიტეტი დიდ მადლობას სწირავს მათ მუდმივი დახმარებისათვის.

დასაბეჭდი წერილები, ფული და სხვა უნდა გამოიგზავნოს შემდეგი მისამართით:

M-r O U R A T A D Z E
10. rue Jules Ferry. Leuville-s-Orge (S.-et-O.)
France